

Ventures

Gore ReChitatu ChiShona



C. J. K. Ngwaru

Bhuku ReMuzidzi

Zvimomubruku mo

Tanayi yekoposha

Dzamborera od zera nahezdza uye kudzira uye dzamborera
and you will be able to do what you want to do.

Ventures

Gore reChitatu

Bhuku reMudzidzi

3



college press

Zvirimo mubhuku rino

Temu yechiposhi

Chikamu 1	Ko, iwe unonzi ani?	1
Chikamu 2	Ziva kwawakabva.....	5
	Dzokororo 1	9
Chikamu 3	Mabasa ese anokosha	10
Chikamu 4	Kuita basa sebasa, ndizvo	14
	Dzokororo 2	18
Chikamu 5	Chitsva chiri murutsoka	19
Chikamu 6	Kedu Sarudzai kari mudhorobha!	24
	Dzokororo 3.....	30
Chikamu 7	Ngano dzepasichigare: Mavambo	31
Chikamu 8	Ngano dzepasichigare: Mhedziso	34
	Dzokororo 4.....	39
Chikamu 9	Kuchengetedza hutano.....	40
Chikamu 10	Kana yabata marariya	45
	Dzokororo 5.....	51
Chikamu 11	Kupara mhosva.....	52
Chikamu 12	Mhosva haiore	56
Chikamu 13	Bvunzo yetemu yechiposhi.....	62

Temu yechipiri

Chikamu 14	Kutsvaga masahwira; Mavambo	69
Chikamu 15	Kutsvaga masahwira; Mhedziso.....	73
Chikamu 16	Mwedzi nemwaka yegore: Chidimbu chechiposhi	78
	Dzokororo 7	82
Chikamu 17	Mwedzi nemwaka yegore: Chidimbu chechipiri	83
Chikamu 18	Mazita: Chidimbu chechiposhi	88
	Dzokororo 8.....	92
Chikamu 19	Mazita: Chidimbu chechipiri	93
Chikamu 20	Kuverenga huwandu	98
	Dzokororo 9.....	103

Ko, iwe unonzi ani?

Chikamu
1

Teererai 1



Teererai mudzidzisi wenyu achikutaurirai izvi:

- Zita rake
- Zera rake
- Zvemhuri yake nemutupo wake
- Zvaanofarira uye zvaasingafarire

Taurai 1



Muri vaviri vaviri, tauriranai seizvi:

Anobvunza: Ko, iwe unonzi ani?

Anopindura: Ini ndinonzi _____.

Anobvunza: Ko, une makore mangani ekuberekwa?

Anopindura: Ndine makore _____ ekuberekwa.

Anobvunza: Ko, unoera mutupo upi?

Anopindura: Ini ndinoera _____.

Anobvunza: Ndezvipi zvaunofarira?

Anopindura: Ini ndinofarira _____, uye _____.

Anobvunza: Ndezvipi zvausingafarire?
Anopindura: Ini handifarire _____ uye _____.

Uya ange achipindura ndiye anozobvunzawo; uya ange achibvunza achipindurawo.

Verengai 1



Mitinhimira inovaka mazwi

Tevedzerai mudzidzisi wenyu achiita izvi mutsara nemutsara.

rwa: rwa -	kurira kunoita savara/gunguwo
gwe: gwenderere -	kurira kunoita ndiro yadonhera pasi
kwa: kwaku -	kusvetuka kunoita dafi/datya/zura
mwi: mwiro -	kunyarara zvekusamboita kana karuzha
twa: twasa -	kururama kwakaita nzira
che: cheu -	kucheuwa kwemunhu anofamba achitya
bhe: bherengende -	kuvhura musuwo nechisimba
vhu: vhu-u -	kuvhuvhuta kunoita mhepo

Taurai 2



Mitinhimira inovaka mazwi

Muri mumapoka enyu, dzokororai mitinhimira iri muna **Verengai 1** pamusoro; mumwe achitungamirira, vamwe vachimutevedzera.

Nyorai 1



Kuvaka mazwi nemitinhimira

Nyora mazwi maviri maviri uchishandisa:

rw-	sokuti rwendo
gw-	sokuti magwere
kw-	sokuti kukwira
mw-	sokuti shamwari
tw-	sokuti kupukutwa
ch-	sokuti muchato
bh-	sokuti bhasikoro
vh-	sokuti kuvheneka

Taurai 3




Pindurai mibvunzo inotevera nemhinduro dzakazara.

1. Ko, iwe uri mwana wemhuri yekwaani?

2. Munoerei/Munoera mutupo upi?
3. Ko, vanhu vanoti iwe wakafanana nani mumhuri yenu?
4. Mumhuri yako mune vana/vanasikana/vanakomana vangani?
5. Iwe uri mwana wechingani mumhuri yenu?
6. Dangwe/Mwana wekutanga kuzvarwa ndiani?
7. Gotwe/Mwana wekupedzisira kuzvarwa ndiani?
8. Shamwari yako inonzi ani?
9. Unodzidza pachikoro chipi?
10. Chikoro chenyu chiri mudunhu ripi/mumusha unionzi ani?
11. Chikoro chenyu chakavakwa pedo/pedyo nei?
12. Ko, mudzidzisi wenuy anonzi ani?
13. Ko, mudzidzisi mukuru wechikoro chenyu anonzi ani?

Nyorai 2



Rondedzero

Pasi pemuisoro unoti: **Ini**, nyorarondedzero mundimanhatu uchiburitsazvinotevera. Tangisa chirevo chimwe nechimwe nenyora hombe uye isa chindaguma panoperera chirevo.

Ndima yechiposhi

- zita rako rese
- rudzi rwako (musikana kana mukomana) uye zera rako
- chimiro chako kana kutaridzika kwako
- mhuri yako
- kwaunogara, uye vaunogara navo
- mutupo wako

Ndima yechipiri

- rugwaro rwedzidzo
- chikoro chako
- dunhu rine/kana musha une chikoro chako
- mudzidzisi wako
- mudzidzisi mukuru wepachikoro chako
- vana vepachikoro chako
- shamwari yako yepamoyo

Ndima yechitatu

- zvaunofarira
- zvausingafarire
- basa raunoda kuzoita kana wakura

Nyorai 3



Manyorero akanaka

Mavara makuru/mahombe nemadiki earifabheti ndeawa:

Aa Bb Cc Dd Ee Ff Gg Hh Ii Jj Kk Ll Mm
Nn Oo Pp Qq Rr Ss Tt Uu Vv Ww Xx Yy Zz

Mutemo wekunyora

1. Tinotangisa nenyora/vara hombe pese patinonyora:
 - mavambo echirevo, seizvi: **Mukoma** wangu akafanana nababa kureba.
 - mazita chaiwo evanhу, sokuti: Takawana **Dadirai** na**Ruvimbo** vachitamba zvavo.
 - mazita chaiwo enzvimbo, sokuti: Ndinodzidza pachikoro chinonzi **Rugare**, muguta re**Harare**.
 - mazita emazuva evhiki, sokuti: Mvura zhinji yakanaya ne**Muvhuro** uye ne**Chipiri**.
2. Tinoisa chindaguma pese panoperera chirevo, seizvi: Nhasi ndichaenda kuguta guru. Pedzisa mitsara inotevera uchiisa nyora hombe uye chindaguma pese panokodzera.
 - a. zita rangu ndinonzi _____
 - b. ndinodzidza pachikoro chinonzi _____
 - c. chikoro chedu chiru mumusha unonzi _____ /mudunhu rinonzi _____
 - d. mudzidzisi wedu anonzi Amai/Muzvare/Va_____
 - e. mudzidzisi mukuru wepachikoro chedu anonzi Amai/Muzvare/Va_____
 - f. shamwari yangu yepamoyo inonzi _____
 - g. svondo rino ndichashanyira shamwari yangu nemusi we_____

Nyorai 4



Zadzisa mitsara inotevera nemazwi aya:

dangwe mapatya gotwe

1. Mwana wekutanga kuzvarwa mumhuri anonzi _____.
2. Mwana wekupedzisira kuzvarwa mumhuri anonzi _____.
3. Vana vanozvarwa vari vaviri panguva imwe chete namai vamwe chete vanonzi _____.

Teerera 1



Teerera mudzidzisi wenyu achikutaurirai nezvemhuri yake seizvi:

Ini ndiri chizvarwa chemhuri yekwa_____.

Tinoera mutupo unonzi _____.

Taurai 1



Mumwe nemumwe anosimuka achitaurawo nezvemhuri yake sezvaitwa nemudzidzisi wenyu.

Nyorai 1



Madimikira

MuChikamu A mune madimikira ane runyoro rukobvu. MuChikamu B mune dudziro dzinofambiranana nemadimikira aya. Batanidza chidimbu chiri muChikamu A nedudziro yedimikira inobva muChikamu B.

Chikamu A	Chikamu B
1. Munhu anonzi ane mwoyo murefu _____	A. ane mimba.
2. Munhu anonzi ane ruoko _____	B. anogara achidenha vamwe.
3. Munhu anonzi akaoma musoro _____	C. ane tsika yekuba zviro zvevamwe.
4. Munhu anonzi abve zera anenge _____	D. ane tsitsi nevamwe vanhu.
5. Munhukadzi anonzi ane pamuviri _____	E. haateereri zvaanoudzwa nevamwe.
6. Munhu anonzi ane pamuromo _____	F. akura pazera rake.

Verengai 1



Mazwi anoreva zvakafanana

(anobva mundima dzekuverenga dzinotevera)

berekwa	- zvarwa, barwa
yeuka	- tondera, rangarira
shanda	- sevenza
mudzidzisi	- murairidzi, mufundisi

- | | |
|---------|--------------------------|
| rugwaro | - bhuku, giredhi, tsamba |
| dzidza | - funda |
| gungwa | - nyanza |

Dadirai naRuvimbo

Verengai ndima idzi muri vaviri vaviri; sekunge muri kutaurirana: mumwe achiverenga akamiririra Dadirai, mumwe achiverenga akamiririra Ruvimbo.



Dadirai:

Ini ndinonzi Dadirai Munemo. Ndiri mukomana ane makore mapfumbamwe ekuberekwa. Ndinogara nevaberekvi vangu mumusha unionzi Mufakose. Mumhuri medu tiri vana vaviri chete. Ini ndini dangwe. Gotwe munin'ina wangu anonzi Kudakwaishe. Ane makore matanhatu ekuberekwa.

Ruvimbo:

Ini ndinonzi Ruvimbo Masunda. Ndiri musikana ane makore masere ekuberekwa. Ndinogara natete vangu mumusha unionzi Rujeko. Vaberekvi vangu vanoshanda kumhiri kwemakungwa.

Ko, iwe unodzidza pachikoro chipi?

Ini ndinodzidza pachikoro chinonzi Ruvheneko. Ndiri murugwaro rwechitatu. Mudzidzisi wedu anonzi Amai Mashayamombe. Mukirasi medu tiri vasikana makumi maviri nevatatu uye vakomana makumi maviri nemumwe chete.

Ko, iwe unodzidza kupi?

Dadirai:

Inindinodzidzapachikorochinonzi Tangenhamo. Ndirimurugwaro rwechina. Mudzidzisi wedu anonzi Muzvare Marima. Pamwe chete, mukirasi medu mune vana makumi mana nemumwe chete. Asi handichayeuka kuti vasikana kana vakomana vari muchikoro chedu vangani. Zvekare gore rino tine mudzidzisi mukuru wechikoro mutsva anonzi Amai Tarubva. Amai Tarubva vane vana vatatu.

Nyorai 2**Nzwisiso A**

Ipa mhinduro dzakazara kumibvunzo iyi inobva mune zvawaverenga:

1. Dadirai ane makore mangani ekuberekwa?
2. Ruvimbo ane makore mangani ekuberekwa?
3. Mudzidzisi waRuvimbo anonzi ani?
4. Mudzidzisi waDadirai anonzi ani?
5. Amai Tarubva vanotungamirira chikoro chipi?
6. Ko, iwe unofunga kuti zvakanaka here kuti vasikana nevakomana vadzidze muchikoro chimwe chete?

Nyorai 3**Nzwisiso B**

Sarudza mhedziso kana mhinduro yakanaka kubva mune zvawaverenga.

1. Mwana wekutanga kuzvarwa mumhuri anonzi _____.
A. mudzidzisi B. dangwe C. Kudakwaishe D. rugwaro
2. Mwana wekupedzisira kuzvarwa mumhuri anonzi _____.
A. gotwe B. mutsva C. muzvare D. mucheche
3. Hanzvadzi yababa vako inonzi _____.
A. musikana B. ambuya C. amraiguru D. tete
4. Muchikoro chaDadirai mune vasikana vangani?
A. makumi mana nemumwe chete B. makumi maviri nevatatu
C. hatizive kuti vangani D. makumi maviri nemumwe
5. Dadirai naRuvimbo _____.
A. vaive mukoma nemunin'ina B. vaidzidza pazvikoro zvakasiyana
C. vaive vasingaende kuchikoro D. vaidzidza pachikoro chimwe chete

Nyorai 4



Nyora rondonedzero mundima nhatu pasi pemusoro unoti: **Shamwari yangu**. Rondonedzero yako ngaise nemitsara 10 – 15. (Kana uchida unogona zvako kushandisa pfungwa dziri muna **Nyorai 2 papeji 3**).

Nyorai 5



Tsumo dzinoshandiswa pakutaura nezvemhuri

Tsumo idzi dzinoreva kuti mwana ega ega anokura akafanana nevabereki vake; kana kuti anokura achitevedzera maitiro evabereki vake. Dzinyorei pamwe chete nedudziro yadzo pazasi sezvi:

Tsumo

- Mhembwe rudzi inozvara mwana ane kazhumu.
- Mbudzi kudya mufenje hufana nyina.
- Mbudzi kukwira mufuta kufana rudzi.
- Gavi rinobva/rakabva kumasvuuriro.

Tsumo idzi dzinoreva kuti mwana ega ega ; kana kuti _____.

Dzokororo 1


Teerera



Itai zvamunotaurirwa nemudzidzisi wenyu chinyararire seizvi:

- Vana vanoera mutupo we: tsoko/gumbo/ngara/nzou/moyo/shumba/shava/shiri etc simukai/simudzai maoko/omberai/pururudzai/kwazisanai etc
- Mwana anonzi _____(zitaremwana) _____ ngaasimuke/ngaasimudze maoko/ngaavhare musuwo/ngapururudze/ngaauye kumberi/ngaafambe sebofu achiuya kumberi/ngaafambe nenhendashure achiuya kumberi etc

Taura



Sarudza musoro mumwe chete pamisoro yakapiwa pazasi. Muchirevo chimwe chete chakazara, taurira vamwe pamusoro pemusoro wawasarudza.

chikoro chedu	musha wedu	nyika yedu
mudzidzisi wedu	shamwari yangu	vabereki vangu
mhuri yedu	dunhu redu	mutungamiri wenyika yedu
gore rino	mwedzi uno	vana vanononoka kuchikoro
kana chando chorova	kurasa marara	mvura yekunwa

Verenga



Verenga ndima iyi uchitsetsenura.

Makarekare zvinonzi nyika yaiyevedza. Miti nesora zvakanga zvakashongedza makomo nemapani. Idzo mhuka dzemusango dzakanga dzakati tekeshe kuwanda. Vanhu vakange vasingarime pese pese sezvatinoona mazuva ano. Madzishe ndiwo aigovera vanhu minda. Chirikadzi neharahwa dzaipiwa minda miduku. Masaimba ndiwo aipiwa makombo nokuti vaive nemhuri dzakakura.

Nyora



1. Nyora izwi rimwe chete rina: gw vh mw rw kw bh ch tw
2. Zadzisa tsumo idzi nemazita aya:

Mbudzi Mhembwe Gavi

- (a) _____ rinobva kumasvuuriro.
(b) _____ kudya mufenje hufana nyina.
(c) _____ rudzi inozvara mwana ane kazhumu.

Verengai 1



Tevedzerai mudzidzisi wenyu achidetemba mutsara nemutsara wedetembo iri:

Kudai kusina...

Kudai kusina varimi,

Tese taipera kufa nenzara.

Kudai kusina vadzidzisi,

Tingadai tisingagone kunyora nekuverenga.

Kudai kusina vanachiremba nevakoti,

Zvirwere zvinouraya zvaitekeshera.

Kudai kusina vatambi, vaimbi nevaridzi vemimhanzi,

Ndianiko aitivaraidza pano panyika?

Kudai kusina mapurisa,

Mhondi nembavha dzaipururudza.

Kudai kusina vavaki vedzimba,

Tingadai tichigara mumapako semhuka.

Kudai mumaguta musina vanotsvaira mumigwagwa,

Mumaguta mungadai muzere nemarara.

Kudai kusina vanonyora iwawa mabhuku atinawo,

Hameno kuti nhasi tingadai tichiverenga chii.

Kudai kusina vashandi vemabasa akasiyana-siyana,

Hameno kuti tairarama seiko pano panyika.

Taurai 1



Muri vaviri vaviri, (muchizochinjana) detembai detembo riri muna **Verengai 1** pamusoro seizvi:

- wechiposhi anodetemba chete mitsara inotanga ichiti: Kudai...
- wechipiri anodetemba mitsara inorondedzera zvaizoitika.

Taurai 2



Mabasa anoitwa nevanhu akawanda, uye akasiyana-siyana. Mabasa ese akakosha. Muri vaviri vaviri, taurai muchiita seizvi:

- wechiposhi anoti: **Kudai kusina...** (otaura vaiti vebasa nebasa racho)
- wechipiri otaura zvaizoitika dai kusina vanhu vanoshanda basa rataurwa newechiposhi.

(Pashure munochinjana: uya anga ari wechipiri anoitwa wechiposhi.)

Verengai 2



Teererai mudzidzisi achikutaurirai pamusoro perimwe basa repasichigare raikosha zvikuru.

Kare kwakange kusina midziyo yemumba inogadzirwa nesimbi inoti: ndiro, poto, magokoko, magaba, komichi, zvikanga nemadhiramu. Panzvimbo yemidziyo yesimbi iyi, vanhu vaishandisa hari chete. Nekudaro hari dzaive midziyo yakakosha kwazvo. Iro basa rekuumba hari raive basa rakakosha zvikuru. Nyanzvi dzekuumba hari dzaipiwa zita rekuti mhizha. Mhizha dzaiumba hari azendudzi dzaifambirana nemabasa adzo:

gate



Gate ihari hombe kupinda dzimwe hari dzese. Gate nderekubikira hwahwa/doro kana kuchengetedza mvura yakawanda.

chirongo



Chirongo ihari hombe, asi iri diki pane gate. Chirongo chine muromo murefu kupinda wegate. Chirongo ihari yekucherera uye kuchengetera mvura yemumba nemumhuri.

tsambakodzi/tsaiya



Tsambakodzi kana kuti tsaiya ihari hombe asi iri diki pachirongo. Dzimwe tsaiya hadzina huro zvachose; dzimwe dzine kahuro kapfupi. Tsambakodzi ndiyo hari yekubikira sadza remhuri.

hadyana



Hadyana kana kuti chikadyana ihari diki pane tsaiya. Dzimwe hadyana hadzina huro; dzimwe dzine kahuro kapfupi. Hadyana ihari yekubikira usavi hwemhuri. Usavi muriwo kana nyama yekusevesa nayo sadza.

pfuko



Pfuko kahari kadiki kane huro refu. Basa repfuko nderekuchengetedza zvinwiwa zvakaita sehwahwa kana mahewu.

mbiya



Mbiya kahari kadiki kanoita basa rekupakurirwa zvekudya, kana kuvharidzira miromo yedzimwe hari hombe.

Nyorai 1



Zadzisa uchishandisa mazita endudzi dzehari amakadzidza aya:

tsambakodzi	mbiya	gate	hadyana	chirongo	pfuko
--------------------	--------------	-------------	----------------	-----------------	--------------

1. Hari yeivhu yakaita diki yekubikira muriwo wemhuri inonzi _____.
2. Hari yeivhu hombe inobikirwa sadza remhuri inonzi _____.
3. Hari yeivhu hombe ine huro refu inochererwa nekuchengeterwa mvura inonzi _____.
4. Hari yeivhu diki inochengeterwa hwahwa kana mahewu inonzi _____.
5. Kahari keivhu kadikidiki kanoshandiswa sendiro yekupakurira muriwo kanonzi _____.
6. Hari yeivhu hombe chaizvo inoshandiswa pakubika hwahwa inonzi _____.

Taurai 3



Tauriranai mabasa anoitwa mumhuri: naamai, nababa nevana.

Taurai muchiti:

1. Amai vanoita basa reku _____.
2. Baba vanoita basa reku _____.
3. Vasikana vanoita basa reku _____.
4. Vakomana vanoita basa reku _____.

Verengai 3



Ziva: Mazita ehari anoreva zvakafanana.

gate	- mhirimo, nyengero, mbizira, rukambe
tsambakodzi	- shambakodzi, tsaiya, mukate, mhendekari
hadyana	- chikadyana, chigapu, kahembwe
pfuko	- chipfuko, chikaha, hwani
mbiya	- chimbiya
chirongo	- musudze

Teererai 1



Teererai mumwe munhu ane ruzivo achikutauri matanho ekuumbwa kwehari kubvira pakugadzira ivhu rekumba kusvikira pakupiswa kwehari. Pashure imi umbaiwo hari dzenyu muchitevedzera matanho amatauriwa.

Nyorai 2



Zviperengo

Mudzidzisi wenyu achasheedzera mazwi uye ndima kubva mune zvimirwe zvamaverenga muchikamu chino imi muchizvinyora.

Nyorai 3



Pasi pemusoro unoti: **Tsaona yekuputsika kwehari**, nyora ndima mbiri uchirondedzera nezvetsaona yacho. Mundima dzerondedzero yako, buritsa izvi: rudzi rwehari yakaputsika, zvaiitwa pamberi petsaona iyi, zvakazokonzenza tsaona yacho, zvakazoitika mumashure metsaona, dzidziso yawakawana iwe

Nyorai 4



Kuita mifananidzo (kudhirowa)

Sarudza rudzi rwehari yaunoda ugoita mufananidzo wehari yacho. Pazasi pemufananidzo, nyora kandima kadiki pamusoro pehari yacho uchitura izvi: zita rehari, mamwe mazita ehari yacho, basa rehari yacho.

Verengai 1



Mazwi anoreva zvakafanana

(Anobva munaya yekuverenga inotevera)

guta	-	dhorobha
nyanzvi	-	shasha
zvirwere	-	ukosha
kiriniki	-	chipatara
mbatya	-	nhumbi
chiremba	-	murapi, dhokotera
mbiri	-	mukurumbira
pamuviri	-	mimba

Taurai 1



Kuita zvirevo zvakafanana:

Itai zvirevo zvakazara muchishandisa mazwi anoreva zvakafanana seizvi:

Mudzidzi wechiposhi anoti:

- Chikwepa **inyanzvi** yekutamba nhabvu.

Mumwe anodzokorora chirevo chakarecho achishandisa rimwe izwi, seizvi:

- Chikwepa **ishasha** yekutamba nhabvu.

Itai zvimwechetezvo nemamwe mazwi.


Verengai 2



Amai Tembo, nyanzvi yekurapa

Muguta reMutare muna chiremba ane mbiri yasvika kumativi mana enyika. Chiremba Amai Tembo mukadzi mupfupi, mutete, ari mutema zviri pakati nepakati. Pazera, Chiremba Amai Tembo vane makore anopfuura makumi mashanu. Asi Amai Tembo vanotaridzika semunhu wezera rechidiki. Ndosaka vamwe vanhu vachivasheedza vachiti, "Goremucheche."

Chiremba Amai Tembo inyanzvi yekurapa zvirwere zvakasiyana-siyana. Vanorapa vanhu vanorwadziwa nemudumbu kana kutemwa nemusoro. Vanorapawo vanokosora nevanonzwa dzhwa.



Asi basa guru guru raChiremba Amai Tembo nderekubatsira madzimai ane pamuviri. Chiremba Amai Tembo vanokwanisa kubatsira madzimai kunyange vaya vane pamuviri panonetsa.

Mazuva ese pakirinika paChiremba Amai Tembo panenge pakazara nevanhu vanoda kurapwa. Chiremba Amai Tembo vanonyanyofariwa nevanhu nokuti vane mwoyo murefu. Varombo, nherera, chirikadzi neharahwa vanorapwa pachena kana kubhadhariswa mari shomane. Zvekare Chiremba Amai Tembo vane tsika yekutaurirana nemurwere ega ega kuti vanzwe zvinomurwadza chaizvo. Chiremba Amai Tembo vane vana vatatu. Murume wavo, VaTembo munhu ane musoro chaizvo. Mazuva ese, VaTembo vanosara vakachengeta pamba sezvo Amai Tembo vachiswera kubasa kwavo. VaTembo vanosara pamba vachigeza mbatya, kutsvaira mumba uye kurima muriwo mubindu riri padivi peimba yavo. Kana Amai Tembo vodzoka kubasa, vanowana VaTembo vabika kudya kwavo.



Nyorai 1



Nzwisiso A

Kubva mune zvawaverenga, pindura mibvunzo inotevera nemhinduro dzakazara.

1. Munhu ari kutaurwa zvikuru munyaya yawaverenga anonzi ani?
2. Ko, munhukadzi angakwanisawo here kuve chiremba ane mukurumbira?
3. Pane chakaipa here kuti murume abikire mukadzi wake zvekudya?
4. Ndiani mumwe munhukadzi anoita basa raunoyemura? Anoita basa rei?
5. Ndiani mumwe munhurume anoita basa raunoyemura? Anoita basa rei?
6. Kana iwe wakura unoda kuzoita basa ripi?
7. Ko, iwe unogona kubika here? Unogona kubika chii?
8. Nyora mabasa maviri aunoita mumhuri yenu.
9. Nyora mabasa maviri anoitwa namai mumhuri yenu.
10. Nyora mabasa maviri anoitwa nababa mumhuri yenu.

Nyorai 2



Nzwisiso B

Kubva mune zvawaverenga, sarudza mhedziso kana mhinduro yakanaka pane ina dzakapiwa.

1. Munhu anotaridzika semudiki pazera, asi iye ari munhu mukuru pazera rake anonzi _____.
A. harahwa B. chiremba C. goremucheche D. nyanzvi
2. Mwana akafirwa nevabereki vake anonzi _____.
A. nherera B. murombo C. mucheche D. murwere
3. Mukadzi akafirwa nemurume wake anonzi _____.
A. guta B. mbiri C. murombo D. chirikadzi
4. Basa rekugeza mbatya, kana kutsvaira mumba kana rekubika _____.
A. nderevanhukadzi chete B. nderevanhurume chete
C. nderevanhu vese D. nderevana vezera diki chete
5. Nyaya yataverenga yaChiremba Amai Tembo iyi inotidzidzisa _____.
A. kugeza mbatya B. kurima muriwo mubindu
C. zvekugara mumaguta D. kushanda nesimba

Nyorai 3



Madimikira ane runyoro rutete akashandiswa munyaya yawaverenga yaChiremba Amai Tembo.

Sarudza zvaanoreva kubva mududziro nhatu idzi:

ane mimba ane njere ane tsitsi

1. Munhu anonzi ane mwoyo murefu _____.

2. Munhukadzi anonzi ane pamuviri _____.
 3. Munhu anonzi ane musoro _____.

Nyorai 4



Munyaya yaChiremba Amai Tembo, mune mazwi ane mitinhimira iyi:

- | | |
|------------------------------------|--|
| 1. sv- muna svika | 2. zv- muna zvirwere |
| 3. ty- muna mbatya | 4. sw- muna swera |
| 5. pf- muna mupfupi | 6. dy- muna kudya |
| 7. hw- muna harahwa | 8. nzv- muna nyanzvi |
| 9. tsv- muna tsvaira | 10. nzv- muna vanonzwa . |

Nyora izwi rako rimwe chete rine mutinhimira mumwe nomumwe uri pamusoro.

Nyorai 5



Kunyora ndima yerondedzero

Nyora ndima nhatu, mumitsara 8 – 12 pamusoro pemumwe munhu ane mbiri. Shandisa **zita** remunhu iyeye semusoro werondedzero yako ugozotanga sezzivzi:
 Mumwe munhu wandinoziva ane mukurumbira anonzi _____.

Pashure nyora mitsara inotaura:

- zera rake,
- kwaanogara,
- zvemhuri yake,
- rudzi rwake uye chimiro chake,
- tsika kana maitiro ake,
- basa rake rinomupa mukurumbira,
- kubatsirwa kweveruzhinji nebara raanoita,
- rimwe zita raanopiwa nevanhu nekuda kwebasa rake.

Nyorai 6



Zviperengo

Kubva mune zvamaverenga muna **Amai Tembo, nyanzvi yekurapa**, mudzidzisi achasheedzera mamwe mazwi uye ndima imi muchinyora.

Dzokororo 2

Teerera



Teererai mudzidzisi wenyu achikuverengerai ndima iyi kamwe chete:

Tigere mumumvuri kudaro takaona motokari yemapurisa ichisvika pamba pasabhusu. Isu takange tajaira kuona mapurisa achiuya akatasva mabhasikoro. Mapurisa akatorana nasabhusu ndokunanga kumba kwaMujubheki. Takazoona Mujubheki atungamidza nemapurisa akasungwa maoko. Ndipo patakazoziva kuti mapurisa akange afambirei. Naiye Mujubhekiwo achinyanya. Haade kusiyana nembudzi dzevafudzi mumafuro. Zvino nhasi zvakanga zvamuwana.

Taura



Taurira vamwe zvaverengwa nemudzidzisi mundima iri muna **Teerera** pamusoro. Unogona kushandisa mazwi ako kana aunoda.

Verenga



Uchinyatsotsenura, verengera vamwe ndima iri muna **Teerera** pamusoro.

Nyora



1. Sarudza mhedziso kubva mundima yawaverenga muna **Teerera** pamusoro:
 - (a) Kana munhu atungamidza, anenge achifamba _____.
A. padivi B. kumashure C. kumberi D. pakati
 - (b) Nyaya iyi inotitaridza kuti Mujubheki aive _____.
A. mupurisa B. sabhuku C. mufudzi D. mbavha
 - (c) Sekuona kwako, unofunga kuti Mujubheki akanga asungirwei nemapurisa?
A. Kub'a'mbudzi. B. Kufudza mbudzi mumafuro.
B. Kusateerera sabhuku. D. Kusiya mbudzi mumafuro.
 - (d) Nyaya iyi inotitaridza zvekare kuti _____.
A. vanhu havana kufarira kusungwa kwaMujubheki.
B. vanhu vakafarira kusungwa kwaMujubheki.
C. sabhuku ndiye zvekare ainzi Mujubheki.
D. mapurisa akange auya akatasva mabhasikoro.
2. Sarudza mhedziso yakanaka yemadimikira ane runyoro rutete:
 - (a) Munhu anonzi ane ruoko _____.
A. anorwara B. anoroya C. anoba D. anopenga
 - (b) Munhu anonzi abva zera _____.
A. ibofu B. akura C. inhubu D. ane tsitsi
 - (c) Mukadzi anonzi ane pamuviri _____.
A. akakoresa B. akatetepa C. akanaka D. ane mimba.
 - (d) Munhu ane mwoyo murefu _____.
A. ane tsitsi B. akareba C. itsotsi D. ane hasha.

Teererai 1



Mudzidzisi wenyu achakutaurirai nezverwendo rwaakambofamba achienda kuguta/dhorobha.

Nyatsoteererai mugozopindura mibvunzo iri pamusoro perwendo urwu.

1. kwaakaenda,
2. riini?
3. akaenda nani?
4. akafambirei?
5. akafamba sei/nei?
6. akaonei parwendo?
7. zvimwe zviitiko zvemurwendo,
8. kwaakashanyira kana vaakashanyira.

Taurai 1



Kupindura mibvunzo pane zvamataurirwa pamusoro perwendo rwemudzidzisi wenyu.

1. Mudzidzisi akafamba rwendo achienda kupi?
2. Akafamba rwendo urwu riini?
3. Akafamba rwendo urwu nani?
4. Ko, aifambirei rwendo urwu?
5. Akafamba rwendo urwu nei/sei?
6. Ndezvipi zvaakaona parwendo urwu?
7. Ndezvipi zvakaitika ari murwendo urwu?
8. Titaurire pamusoro pevanhu vaakashanyira.

Teererai 2



Mudzidzisi wenyu achakutaurirai nezvamagariro evanhu mumaguta/mumadhorobha zvinoti:

1. Zvekugarisana kwevanhu

- Mumaguta, vanhu vachena nevatemba vanogarisana; dzimba dzavo dziri pedyo napedyo;
- Vanhu yemarudzi akasiyana-siyana, sokuti: MaZezuru, MaNdevere, VaKaranga, VaManyika, MaNdau, MaChangani, MaTonga nemamwewo vakagarisana;

- Vanhu vemumaguta vanotaura ndimi dzakasiyana-siyana, sokuti: ChiNgezi, ChiNdevere, ChiManyika, ChiZezuru, ChiNdau, ChiKaranga, ChiTonga nedzimwewo ndimi/mitauro;
- Vanhu vemumaguta havazivane vese nemazita nokuti havasi hama nehama sezvinoita vanhu vemumisha yekumaruwa;

2. Zvehupenyu nemararamiro evanhu vemumaguta

- Hupenyu hwemuguta hunodhura sezvo vachitenga zvekudya zvavo zvese nokuti mumaguta hamuna minda yakakura yekurima zvekudya sekumaruwa;
- Zvekare pamwedzi wega wega vanhu vemumaguta vanobhadhara mutero: wedzimba, wemvura, wemagetsi, wekutakurwa kwemarara nezvimwewo;
- Mhuri imwe neimwe inozvionera pachayo mararamiro ayo mumba mavo, pasina zvekutarisira kubatsirwa nevavakidzani;
- Mumaguta mune matsotsi nembavha dzakawanda dzinobira vanhu mari kanambatyadzavo;sakavanhuvemumagutavanogaravakazvichenjerera;

3. Zvinoita kuti vanhu vasiye maruwa vachindogara mumaguta

- Mararamiro evanhu vemumaguta akareruka pane mararamiro evanhu vemumaruwa;
- Mumaguta mune dzimba dzakavakwa zvakanaka uye dzakanaka zvikuru;
- Mabasa akasiyana-siyana uye akawanda anowanikwa mumaguta;
- Vanhu havafambi parefu kuenda kuchipatara, kuchitoro, kuchikoro, kana kumusika;
- Vanhu vanoita saruraude yezvitoro, zvikoro, zvipatara nemisika; uye vachikwanisa kusarudza mbatya dzavanoda pane dzakawanda, dzakasiyana-siyana;
- Mumaguta mune migwagwa yakanaka uye zvifambiso zvemo hazvipere;
- Vanhu vanowana mvura yemupombi yakachena, zviri nyore pane kufamba kuenda kutsime kana kuchibhorani kunoitwa nevanhu vekumaruwa;
- Pachinzvimbo chekuvesa mwoto wehuni, kune magetsi ekubikisa nekuvhenekera;
- Vanhu vanorarama hupenyu hune hutano kupinda vekumaruwa;
- Mumaguta muzere nzimbo dzekutandara uye kune zvekutandara kwevanhu zvakawanda zvakaita senhabvu, mijaho, zvikwata zvekuimba nekuridza mimhanzi;

Nyorai 1



Sarudza chimwe chete pakati pekumaruwa kana mumaguta.

Pashure, pedzisa zvirevo zvina zvinotevera neruzivo rwawawana kubva muruzivo rwawawana muchikamu chino:

1. Ini handide kugara (kumaruwa/mumaguta) nokuti _____.
2. Zvekare (kumaruwa/mumaguta) _____.
3. Ini ndinoda kugara (mumaguta/kumaruwa) nokuti _____.
4. Zvekare (mumaguta/kumaruwa) _____.

Verengai 1



Mazwi anoreva zvakafanana

(anobva mundima dzamuchaverenga pashure.)

hombe	-	huru
kushamiswa	-	kukatyamadzwa
musuwo	-	mukova
pedyo	-	pedo
dhorobha	-	guta
mauro	-	manheru
katsi	-	kiti
mutsara	-	mutsetse
nhamo	-	dambudziko
kumusorosoro	-	kudengadenga
mabvazuva	-	mabudazuva
mavirira	-	mavirazuva, madokero

Verengai 2



Chitsva chiri murutsoka: Mavambo

Pazororo rechikoro gore rakapera, Sarudzai akashanyira tete vake kudhorobha kwavanoshanda. Sarudzai akanga asati amboenda kudhorobha. Saka aitarisira rwendu urwu nemufaro mukuru.

Zuva raakasvika mudhorobha, Sarudzai akashamiswa zvikuru nekukura kwedzimba dzemuguta. Haana kumbofunga kuti kungave nedzimwe dzimba dzinoreba kuenda kudengadenga zvakadaro. Sarudzai akabvunza tete vake kuti vanhu vanokwira sei kudzimba dziri kumusorosoro kudaro.

Tete vakati, "Vanhu vanotakurwa nezvingoro zvinonzi ma'keji'. Ma'keji' anopota achikwira kudzimba dziri kumusorosoro, nekudzika pasi akatakura vanhu."



Nyorai 2



Nzwisiso A

Ipa mhinduro dzakazara kumibunzo iyi inobva mune zvawaverenga.

1. Seiko Sarudzai aitarisira rwendo rwekudhorobha nemufaro mukuru?
2. Chiiko chakashamisa Sarudzai zvikuru paakasvika muguta guru?
3. Sarudzai akashanyira ani wake?
4. Akashanyira kuguta munguva ipi?
5. Ko, iwe wakanoshanyira ani wako, kupi?

Nyorai 3



Nzwisiso B

Sarudza mhinduro kana mhedziso yakanaka pane dzakapiwa kubva mune zvawaverenga.

1. Pazororo Sarudzai akaenda kudhorobha _____.
A. kundodzidza B. kundoshanya C. kundotenga D. kundoshanda
2. Tsumo inoti, "Chitsva chiri murutsoka," inoreva cuti kana tichida kuona zvinhu zvitsva zvakasiyana-siyana, tinofanira _____.
A. kugara panzvimbo imwe chete B. kugara kure nemwoto unopisa
C. kupfeka mbatya itsva D. kushanyira nzvimbo itsva

3. Dzimwe dzimba dzemuguta dzakareba kuenda _____.
A. pasipasi B. kudengadenga C. pedopedo D. kurekure
4. Vanhu vemuguta vanokwira dzimba dziri kumusoro soro _____.
A. vachimhanya
C. vachiita seshiri
B. vachifamba
D. nemakeji

Nyorai 4



Pasi pemusoro unoti: **Chitsva chiri murutsoka**, nyora ndima mbiri pamusoro penwendo rwawakambofamba. Mundima dzerondedzero yako, buritsa izvi: rwendo kawakambofamba, riini, zvawaitarisira, mafambiro awakaita, zvitsva zvawakazondoona ikoko, zvausingakanganwe pakarwendo urwu

Teererai 1



Mitinhimira inovaka mazwi

Tavedzerai mudzidzisi wenyu achitaura mitinhimira inotevera nemazwi ainovaka/ ainouumba muchiti:

dh- dh- dh-	dhorobha, rinodhura, mudhara!
ts- ts- ts-	tsoka, mutsetse, matsito!
bv- bv- bv-	mabvazuva, mubvunzo, bveni!
dz- dz- dz-	dzidzo, madzoro, dzedzereka!
bh- bh- bh-	bhasikoro, bhebhenura, bhuku!
gw- gw- gw-	mugwagwa, gwenga, magwiri!
sv- sv- sv-	masvusvu, svetuka, wasvika!
hw- hw- hw-	hwahwa, hwiza, mahwekwe!
tsv- tsv- tsv-	tsvana, mutsvene, tsvina!
dzw- dzw- dzw-	katyamadzwa, remadzwa, rambakuudzwa!

Taurai 1



Makakatanwa ekutura.

Muri mumapoka maviri, itai makakatanwa ekutura, vamwe vachitsigira; vamwe vachipokana nemusoro uyu:

Hupenyu hwemumaruwa hwakanaka kupinda hupenyu hwemumaguta.

Nyorai 1



Manyorero akanaka

Mitemo yekunyora

- Tinoshandisa **nyora hombe/huru** pakutangisa kunyora chirevo uye mazita: emaguta, emisha, uye enzvimbo chaiwo.
- Tinoisa **chindaguma** pese panoperera chirevo.

Mienzaniso

1. Musha weMufakose uri kumadokero kweguta reHarare.
2. Muguta reMutare mune musha unionzi Sakubva.
3. Isu tinobva mudunhu rekwaGutu, kuMasvingo.

Nyora mitsara inotevera zvakanaka uchiisa nyora hombe uye chindaguma pese panokodzera.

1. takayambuka rwizi runonzi save tichibva kwamutare
2. guta rekwekwe riri pakati pemaguta egweru nekadoma
3. dhamu rekariba riri parwizi rukuru runonzi zambezi
4. bhazi rinobva kuharare richienda kushamva rinopfuura nemubindura
5. tete vangu vanoshanda mumasvingo vachigara mumusha werujeko

Verengai 1



Chitsva chiru murutsoka: Mhedziso


Sarudzai akanga ajaira dzimba dzekuruzevha dzakavakwa nezvidhina kana nematanda, nekupfirirwa nehuswa. Akanga achiziva dzimba dzakavakwa dzakati iyi apa iri yega, iyo apo iri yegawo. Dzimba dzemuguta dzakange dzakavakwa pedyo napedyo, dziri mumutsara; dzese dzine matenga emarata nemahwindo ane magirazi.

Sarudzai akambofunga kuti vacharasika muguta sezvo dzimba dzacho dzakanga dzakangofanana. Idzo dzimba dzacho kuwanda haiwa! Mimwe migwagwa yaienda kumabvazuva; mimwe yaienda kumadokero; mimwe yaienda kuchamhembe; mimwe yaienda kumaodzanyemba.

Sarudzai akashaya kuti minda yevanhu vemuguta uye mafuro ezvipfuwo zvavo ari kipi sezvo dzimba dzakange dzakazara pese pese. Tete vakazomutaurira kuti vanhu vemudhorobha havana minda kana mafuro ekufudzira zvipfuwo. Asi vanokwanisa kurima muriwo kana maruva mumagadheni ari padivi pedzimba dzavo. Vanokwanisawo kuchengeta imbwa, katsi uye huku shomane muzumbu. Tete vakati vanhu vemudhorobha vanorarama nezvekudya zvavanotenga nemari yavanotambira mumabasa avo.

Ave mauro tete vakaenda na Sarudzai kumba kwavo panhamba 52 mumugwagwa unionzi Magamba uri mumusha weRujeko. Idzo motokari nevanhu kuwanda mumugwagwa, haiwa! Vamwe vaifamba netsoka vari padivi pemugwagwa; vamwe vaichovha mabhasikoro avo; vamwe vakange vakatasva midhudhudhu yavo. Sarudzai natete vake vakakwira mubhazi rakange rakazara nevamwe vanhu vaiendawo kudzimba dzavo. Tete va Sarudzai vane imba hombe ine makamuri mashanu. Kamuri remba rimwe nerimwe rine midziyo inoshandiswa imomo.

Sarudzai akanyanyofarira chitofu chemagetsi chaive mukamuri rekubikira. Akabva aona pachena kuti chitofu chemagetsi ndicho chinopedza dambudziko rekutsvaga huni musango uye rekuvesa mwoto pachoto nekubikira pamapfihwa panonetsa.



Mvura yekunwa neyekugeza yaiwanikwawo papombi mumba makaremo. Saka hapana zviya zvekuruzevha zvekuenda kutsime kundochera mvura nechirongo.

Mumashure mesvondo mbiri achiona zvinhu zvakawanda uye zvitsva, Sarudzai akazodzokera kumusha kumaruwa. Rwendu urwu rwakamufadza, pamwe chete nekumudzidzisa zvakawanda. Saka vakuru vakati, "Chitsva chiri murutsoka."

Nyorai 2



Nzwisiso A

Ipa mhinduro dzakazara kumibvunzo iyi inobva mune zvawaverenga.

1. Tete vaSarudzai vanoshandisei pakubika?
2. Ndezvipi zvipfuwo zvitatu zvakataurwa zvingachengetwe nevagari vemudhorobha?
3. Iwe ungade kugara mudhorobha kana kumaruwa here? Ipa chikonzero chimwe chete.

Nyorai 3



Nzwisiso B

Sarudza mhinduro kana mhedziso yakanaka pane dzakapiwa kubva mune zvawaverenga.

1. Ndechipi chisingagone kuwanikwa mudhorobha?
A. katsi B. imbwa C. maruva D. mafuro
2. Kumaruwa, Sarudzai aiziva zvekubikira _____.
A. pachitofu chemagetsi B. pachoto chine mapfihwa
C. mugadheni yavo D. padivi pemugwagwa
3. Hari hombe yekutakurisa kana kuchengetera mvura yekunwa mumba inonzi _____.
A. tsime B. chitofu C. chirongo D. huni
4. Ndechipi chokwadi pane zvinotevera?
A. Sarudzai akazodzokera kumaruwa mumashure mevhiki mbiri.
B. Rwendu rwa Sarudzai rwekudhorobha rwa isuwisa zvikuru.
C. Tete va Sarudzai vaive neimbwa nekatsi pamba pavo.
D. Tete vakatengera Sarudzai chitofu chemagetsi.

Nyorai 4



Tsumo

Tsumo dziri pazasi dzinoshandisa kana vanhu vachitaura nezvekufamba. Nyora tsumo ichiteverwa nedudziro yayo kubva mune dzakapiwa mumabhokisi anotevera:

Tsumo	Dudziro dzetsumo
1. Chitsva chiri murutsoka.	(a) Munhu anofamba achienda kune chiro chaanoda, kunyange chiri kunzvimbo iri kure kure.
2. Kure kwegava ndokusina mutsubvu.	(b) Hapana munhu anongofamba zvenhando; munhu wese anofamba rwendo anenge ane chinangwa chake pamwoyo.
3. Afamba anacho.	(c) Munhu anoona, anosangana, uye anodzidza zviro zvitsva zvakasiyanasiyana mukufambira nzvimbo dzakasiyanasiyana.

Nyorai 5



Madimikira

Madimikira aya anoshandiswa nevanhu paya pavanenge vachidya nyaya dziri maererano nezvekufamba kunoita vanhu. Nyora dimikira nedudziro Yaro uchisarudza mumabhokisi anotevera.

Madimikira

1. Ku**bata** jongwe muromo...
2. Ku**ruma** nzira...
3. Ku**tura** mafemo...
4. Ku**kanda** nhambwe/nhanho...
5. Ku**ronga** dungwe...
6. Ku**fambira** dhongi rakafa...

Dudziro dzemadimikira

- (a) ...kufambisa chaizvo nechido chekukurumidza kusvika. ✓
(b) ...kuzvipira nekushingirira pakufamba rwendo. ✓
(c) ...kufumira mangwanani-ngwanani uchifamba rwendo. ✓
(d) ...kutadza kubudirira pane zvawange wafambira. ✓
(e) ...kumbomira uchizorora kufamba uri parwendo. ✓
(f) ...kusimuka panzvimbo imwe chete kvevanhu vazhinji vachitangisa kufamba vachienda kumwe chete. ✓

Muenzaniso wemanyorero anodikanwa:

Ku**ruma** nzira kuzvipira nekushingirira pakufamba rwendo.

Nyorai 6



Rondedzero

Pasi pemusoro unoti: **Musha wedu**, nyora rondedzero uchitaura nezvemusha wenyu uchiita zvekupindura mibvunzo inotevera:

Musha wedu

- Zita remusha wenyu ndiani?
- Musha wenyu uri kumabvazuva/kumadokero/kuchamhembe/kumaodzanyemba kwechikoro chenyu here?
- Pedyo nemusha wenyu pane chii?
- Ko, kumadokero/kumabvazuva/kuchamhembe/kumaodzanyemba kwemusha wenyu kune chii?
- Musha wenyu uri pakati pemisha inonzi ani naani?

- Mumusha wenyu mune dzimba shomane/zhinji here?
- Mumusha wenyu mune dzimba diki/hombe here?
- Dzimba zhinji dzemumusha wenyu dzakavakwa nei?
- Dzimba zhinji dzakavakwa dzakatarisa kumadokero/kuchamhembe/kumabvazuva/ kumaodzanyemba here?
- Pamusha penyu pane miti yei?
- Musha wenyu wakasiyana nemimwe misha nokuti une chii/wakadini?
- Zvekare musha wenyu une chii/wakadini?
- Iwe unofarira/haufarire musha wenyu here?
- Unofarira/haufarire musha wenyu nokuti uri pedyo/kure nei?



Dzokororo 3

Teerera



Taura



Nyatsoteerera ugoteedzera zvinotaurwa nemudzidzisi, mutsara nemutsara:

- Dadirai Madurure anodada nedemo rake diki.
- Ari kuhope Mapipi akarota achipepereka ane mapapiro.
- Tinarwo NaMarwei vaiimba rwiyo vachibira rwizi rwune makarwe.
- Nyevero akandinyima nyimo nyoro nenyama ndikanyunyuta.
- Mubhabhatidzi akabhebhennura bhuku reBhaibheri raive mukabhokisi.
- Takwana Chikwepa akakwereta mari yekukwirisa chitima chekuKwekwe.

Verenga



Verenga mitsara iri muna **Teerera/Taura** pamusoro uchitsetsenura.

Nyora



1. Zadzisa mitsara inotevera nemazita ehari anoti:

mbiya gate hadyana tsambakodzi pfuko chirongo

- (a) Mazuva ese amai vanobikira sadza mu_____.
- (b) Nezuro ambuya vakabikira usavi hwederere mu_____.
- (c) Amai vanondipakurira kudya kwangu ndega mu_____.
- (d) Musikana akaenda kutsime kundochera mvura ne_____.
- (e) Maheu ababa anochengeterwa mu_____.
- (f) Nhasi amai Marime vari kubikira hwahwa mu_____.

2. Nyora izwi rimwe chete rina:

pf hw zv ty sw dy sv mb nd nz

Teererai 1



1. Teererai mudzidzisi wenyu achikutaurirai kana kukuverengerai ngano dzepasichigare.
2. Mave kumba kwenyu, kumbirai vebereki kana dzimwe hama dzenyu kuti dzikutaurirei kana kukuverengerai ngano dzepasichigare.

Taurai 1



Mumwe nemumwe wenyu ngaasimuke ataurire vamwe vese rungano rwpasichigare rwaakambonzwa. Tangisa uchiti:

Kare kare zvinonzi _____.

Nyorai 1



Nyora ndima mbiri pamusoro perungano rwaunoziva. Pamusoro, nyora musoro unofambiranana nerungano rwako. Tangisa rungano rwako uchiti:

Kare kare zvinonzi _____.

Teererai 2



Mudzidzisi wenyu achakutaridzai mifananidzo nekukutaurirai mazita, uye pamusoro pedzimwe mhuka dzatinonzwa mungano dzepasichigare muzvikwata zviviri zvinoti:

1. mhuka neshiri dzemumusha, uye
2. mhuka neshiri dzemusango.

Nyorai 2



Mazita evana vemhuka

Nyorai zvirevo zvakazara pamusoro pevana vemhuka muchibatanidza mazita ari mumabhokisi maviri ari pazasi seizvi:

Mwana weimbwa anonzi _____.

Mazita emhuka

imbwa shiri hwai mbudzi
huku garwe mombe
bveni mhembwe dhongi

Mazita evana vemhuka

mbudzana tsvana rushiye handa/
mbwanana mubheme nyana
hwayana/bwizana ganyamatope
mhuru hukwana/nhiyo

Verengai 1



Mitupo

Mudzidzisi wenyu achakutaurirai nezvemitupo yevanhu seizvi:

1. Vanhu vanoera mitupo yakasiyana-siyana.
2. Mitupo yevanhu **imhuka** kana **nhengo** dzemhuka, sokuti: **shumba, nzou, tsoko, mwoyo, gumbo, shiri, ngara, mhofu, mbizi/dhuve, hove, mbeva**, nemimwewo.
3. Vanhu havadye mutupo wavo nokuti zvinoera.
4. Vanhu vemutupo mumwe chete ihama nehama.
5. Vanhu vasiri vemutupo wako vanonzi **vatorwa**.
6. Vanhu vemutupo mumwe chete havaroorane, nokuti ihama nehama.
7. Kana vakaroorana, murume anobvisiswa mombe inonzi **chekahukama/gurahukama**.
8. Itsika yechivanhu kuti vatorwa vanoroorana nevatorwa.

Taurai 2



Mitupo yevanhu

Taurira vamwe mutupo wako uchiti:

Isu vemhuri yekwa _____ tinoera mutupo we_____.

Verengai 2



Mazwi anoreva zvakafanana

(anobva murungano rwamucheverenga mumashure)

sora	-	bundo, huswa
hwanda	-	vanda
punzikira	-	donhera
rutanda	-	rumuti
mashura	-	manenji
huro	-	mutsipa
gwesha	-	kambaira

Verengai 3



Gore renzara huru

Zvinonzi kare kare kwakamboitika nzara huru mune rimwe dunhu. Mvura haina kunaya kwemakore mazhinji. Nzisi, madhamu nematsime zvakati papata kuoma.

Sora harina kumera. Miti yemichero yakatadza kubereka michero. Mhuka dzese dzakaonda nenzara. Mhuka neshiri dzakaomerwa pahuro nenyota. Mashizha emiti akaoma akadonhera pasi. Kwakanga kusisina mumvuri wekuhwanda zuva raipisa samare.



Shiri dzaikwanisa kubhururuka nemhuka dzaikwanisa kufamba dzakatizira kune dzimwe nyika kwaiwanika mvura nezvekudya. Mumashure memazuva mazhinji dzakazosvika munyika yaive yakati zvekudya nemvura tekeshe. Dzakati hekanhi waro, ndokuronga zvekugara munyika iyoyo zvachose.

Mumashure memwedzi mitatu, dzimwe shiri mbiri dzakafunga zvekumbodzokera kundoona kudunhu riye kwadzakanga dzatiza nzara nenyota. Dzakabbururuka kwemazuva akawanda ndokuzosvika, wanei dambudziko renzara nenyota richiriko zvakasimba.

Dziri kubhururuka mudenga kudaro, shiri mbiri dziye dzakaona kamba ichigwesha iri mugwenga ndokunza tsitsi zvikuru.

Taurai 1



Taurirai vamwe rungano rwe **Gore renzara huru** rwamakaverenga muChikamu 7.

Verengai 1



Rungano rwe kamba neshiri

Shiri dziye mbiri dzakabva dzamhara pamberi pekamba ndokuibvunza kuti ichiri kuiteiko mugwenga makadaro. Kamba yakatsanangura kuti iyo yakanga isingakwanise kufamba sedzimwe mhuka. Saka yakakumbira kuti shiri dziye dzimutakure dziendewo naye kunyika yakati tekeshe mvura nezvekudy.

Ipapo shiri dzakafunga zano radzo rakanaka. Dzakatora rutanda ndokuti kamba arume nechepakati parwo. Idzo shiri dzakabva dzoruma kumucheto kwerutanda rwe kare iworwo dzakati iyi kuruboshwe, iyo kurudyi, kamba pakati.

Shiri dziye mbiri dzakazobhururuka dzakatakura kamba dzakananga kunyika yakanga yakati mvura nezvekudy tekeshe kuwanda.

Zvino dzimwe pwere mune mumwe musha dzakaona shiri nekamba ndokushamiswa nazvo. Pwere dziye dzakasheedzera dzichiti, "A-a, onai nhasi kamba yakwirawo mudenga! Vasikana nevakomana, huyai muone mashura chaiwo! Nhasi kamba yakwirawo mudenga!"

Izvi zvakatsamwisa kamba akafunga zvekutuka pwere dziya dzaiti, "Nhasi kamba yakwirawo mudenga." Nekutsamwa kwake, kamba akakanganwa kuti muromo wake wakange usingafanire kuregedza paya parutanda paakange akaruma.



Kamba akavhura muromo wake achida kutuka tupwere twuya twaimuseka ndokuti, "Zviromo zvi...!" Ipapo muromo wakamba wakaregedza paya parutanda paakange akaruma; iye ndokundopunzikira pedyo nedziya pwere dzaimuseka. Shiri dziye mbiri dzakabbururuka ndokuenda dzichisiya kamba myua mugwenga zvekare maive nenzara uye nyota. Ndipo pakafira sarungano.



Nyorai 1



Nzwisiso

Sarudza mhinduro kana mhedziso yakanaka kubva mune zvawaverenga.

1. Rungano urwu rwunotitaridza kuti Kamba _____.
 A. imhuka inokwanisa kubbururuka
 B. ishiri yemusango
 C. imhuka isingagone kubbururuka
 D. inokara zvikuru
2. Dambudziko rekushaya zvekudya rionzi _____.
 A. gwenga B. nzara C. mhuka D. nyika
3. Dambudziko rekushaya mvura yekunwa rionzi _____.
 A. mashizha B. nyota C. kamba D. kuoma
4. Vana vezera rechidiki vanonzi _____.
 A. shiri B. pwere C. nzizi D. ngano
5. Kana mvura yanaya zvakanaka, zvekudya zvinoti tekeshe _____.
 A. kupera B. kudonhera pasi
 C. kuwanda D. kutsamwa
6. Kana mvura ikasanaya gore rino, nzizi dzese dzinoti papata _____.
 A. kuoma B. kuzara C. kuyerera D. kunyura
7. Iwe unofunga kuti chii chakaitika kuna kamba paakadonhera pasi?
 A. akafira ipapo
 B. akawana zvekudya nemvura yekunwa
 C. akazokwanisa kufamba ega achienda kunyika yaive kure kure
 D. akarwisana nepwere dziye dzaimuseka



Nyorai 2



Maririro/Machemero anoita mhuka

Batanidza zita remhuka nemaririro/machemero ayo.

Mhuka

1. Imbwa _____
2. Mombe _____
3. Jongwe _____
4. Shumba _____
5. Shiri _____

Machemero emhuka

- inodzvova.
inorira.
inogwauta.
inokuma.
rinokukuridza.

Nyorai 3



Tsumo

Tsumo zhinji dzinotaurwa mungano dzepasichigare dzine mazita emhuka. Nyora tsumo dzinotevera uchizadzisa pakashama nezita remhukarinokodzera uchisarudza pamazita akapiwa muna A, B, C kana D.

1. _____ hairemerwi nenyanga dzayo.
A. Shumba B. Imbwa C. Nzou D. Hove
2. Chida mwoyo _____ yakada makwati.
A. shiri B. kiti C. tsoko D. hamba
3. Kure kwe_____ ndokusina mutsubvu.
A. gava B. mbudzi C. garwe D. bere
4. _____ huru haizvirume.
A. Shiri B. Nyoka C. Mhuka D. Mhara
5. _____ rakapona hehwaku-mukwaku.
A. Bere B. Garwe C. Gunguwo D. Gudo/Bveni
6. _____ yarara/yakwavarara yatya.
A. Huku B. Nyati C. Nhoro D. Imbwa

Nyorai 4



Mazita evana vemhuka

tsvana
nyana

hukwana
hwayana

mbudzana
nhenzvana

handa

Zadzisa mitsara inotevera nemazita evana vemhuka ari pamusoro.

1. Mwana weshiri anonzi _____.
2. Mwana wembudzi anonzi _____.
3. Mwana wehwai/gwai anonzi _____.

4. Mhuru ichangoberekwa inonzi **munava** kana kuti _____.
5. Mwana wemhembwe kana wemhene anonzi _____.
6. Mwana weimbwa anonzi **mbwanana** kana kuti _____.
7. Mwana wehuku anonzi **nhiyo** kana kuti _____.

Nyorai 5



Mazita evanhu anofambirana nemitupo yavo

Mitupo yevamwe vanhu:

gumbo
mbizi/dhuve

ngara
tsoko

nzou
moyo

shiri
shava

Zadzisa mitsara inotevera nemitupo iri pamusoro.

1. VanaVhudzijena naVaMukanya vanoera _____.
2. VaMhukahuru naVaSamanyanga vanoera _____.
3. VaMadyirapazhe naVaMaGumbo vanoera _____.
4. VaHungwe vanoera _____.
5. VaMwoyondizvo naVaMaMwoyo vanoera _____.
6. VaZimuto naVaWaMambo vanoera _____.
7. VaVhuramavi vanoera _____.
8. VaMutasa, VaMaDhuve, naVaSamaita vanoera _____.

Nyorai 6



Rondedzero

Pasi pemusoro unoti: **Zvakamboitika kwandiri**, nyora rondedzero uchiita zvezuzadzisa pakashama mundima dzinotevera nemazwi ako.

Zvakamboitika kwandiri

Rimwe zuva, nenguva dzema_____, amai vangu vakandituma kumba kwa_____ kundo_____.

Zuva iroro kunze kwakanga kune_____. Ndasvika pamba pa_____, ndakaedza kuvhura gedhe. Ipapo imbwa dzavo dzaka_____.

Ndakanga ndakanganwa kuti pamba pa_____ pane imbwa dzino_____. Ini ndakabva ndakwira mu_____ wemu_____ waivepo, ndichi_____. Ivo vakazobuda mumba ndoku_____.

Nyorai 7



Zviperengo

Mudzidzisi wenyu achasheedzera mazwi uye ndima kubva muRungano rwekamba neshiri imi muchinyora.

Dzokororo 4

Teerera



Taura



Nyatsoteerera ugodzokorora zvataurwa nemudzidzisi, mutsara nemutsara:

- Mudhomeni Madhiri ane mudhudhudhu anogara pamudhadhadha uri mudhorobha.
- Tsere akaona tsoka dzematsotsi akaba tsunga mubindu raVaMutsetse.
- Mabvongodze anogara mumusha weMabvuku uri kumabvazuva kweguta reHarare.
- Kareko, dzimba dzose dzemadzishe dzaigara dzakadzudzurwa madziro.
- Masvaya akasvetuka asvika paive nemasvosve akasviba.
- Murehwa akapa sahwira wake hwahwa hwunodhaka hwemapfunde

Verenga



Verenga zvirevo zviri muna **Teerera/Taura** pamusoro uchiita zvekutsetsenura.

Nyora



1. Nyora zvirevo zvakazara uchishandisa mazita emakwara anoratidza kune nzvimbo awa:
(a) mabvazuva (b) madokero (c) maodzanyemba (d) chamhembe
2. Zadzisa tsumo (a) – (c) nemazwi aya:

rutsoka anacho mutsubvu

- (a) Kure kwegava ndokusina _____.
(b) Chitsva chiri mu_____.
(c) Afamba _____.
3. Nyora mitsara inotevera zvakanaka uchiisa nyora hombe uye chindaguma pese panokodzera.
(a) mvura yakanaya nemusi wemuvhuro
(b) pazororo sarudzai aive kwamutare
(c) ini ndakazvarwa mumwedzi wanyamavhuvhu
(d) dzimwe hama dzedu dzinogara mhiri kwazambezi

Teerera 1



Mudzidzisi wenyu achakutaurirai nezvekuchengetedza hutano hwedu sezvi:

1. kugeza muviri nguva nenguva
2. kugeza nekuchisa mbatya dzatinopfeka
3. kunwa mvura isina hutachiona, seyemuchibhorani neyemupombi, kana yakavhaidzwa
4. kuwana kudya kwakanaka, semichero nemuriwo
5. kuregera kudya zvinoparadza hutano hwedu, sezvihwitsi
6. kuita zvinosimbisa nhengo dzemuviri, sekufamba-famba
7. kupa muviri zororo, sekurara kwakakwana
8. kupota tichindoona vanachiremba vedu vachitiongorora.

Taurai 1



Kupindura mibvunzo

Pindurai mibvunzo inotevera nemhinduro dzakazara.

1. Ko, iwe wakamborwara here?
2. Wairwadziwa nei?
3. Unofunga kuti chii chakakonzeru kurwara uku?
4. Zvairwadza sei?
5. Ndezvipi zwawange usingakwanise kuita?
6. Waiswera wakadini kana kuti uchiitei?
7. Waifarira kudya kana kunwa chii?
8. Ndiani aipota achikutarisa?
9. Wakazorapwa nani?
10. Akakurapa sei?
11. Wakazopora mumashure menguva yakareba zvakadini?

Nyorai 1



Rondedzero

Nyora ndima mbiri pasi pemusoro unoti: **Kuchengetedza hutano**.

Kana uchida unogona kushandisa zviri muna **Teerera 1** muchikamu chino.

Kana uchida, unogona kushandisa mibvunzo iri muna **Taurai 1** pamusoro.

Taurai 2



Ziva mutauro

Mazita anopiwa vanhu vane dambudziko renhengo dzemiviri yavo:

bofu mbeveve matsi chirema

Tauriranai sezvi:

1. Munhu asingakwanise kutaura anonzi chimumumu kana kuti _____.
2. Munhu ane maziso asingaone anonzi _____.
3. Munhu ane imwe nhengo yemuviri wake yakaremara anonzi _____.
4. Munhu ane nzeve dzisinganzwe anonzi burunzeve kana kuti _____.

Taurai 3



Mamwe mazita anopiwa vanhu:

mapatyia chirikadzi/shirikadzi tsvimborume gavamwedzi nherera

Tauriranai sezvi:

1. Mwana akafirwa nevabereki vake anonzi _____.
2. Vana vanozvarwa vari vaviri panguva imwe chete naamai vamwe chete vanonzi _____.
3. Mwana anozvarwa nguva yake yekuti azvarwe isati yanyatsosvika anonzi _____.
4. Mukadzi akafirwa nemurume wake anonzi _____.
5. Murume ane zera rekuti ave nemukadzi asi iye asina mukadzi; kana akafirwa nemukadzi wake anonzi _____.

Verengai 1



Madimikira

Madimikira mazhinji anoshandisa mazita enhengo dzemuviri wemunhu. Heano mamwe madimikira ekuverenga, pamwe chete nedudziro dzawo:

1. Munhukadzi anonzi **ane pamuviri** anenge aine mimba.
2. Munhu anonzi **ane ruoko** anenge achiba; kana kuti ari mbavha.
3. Munhu anonzi **ane pamuromo** anenge ari munhu anotaurisa nekugara achidenha vamwe.
4. Munhu anonzi **ane moyo murefu** munhu ane tsitsi dzekuregerera vamwe zvavanomutadzira uye anobatsira vanotambudzika.
5. Kana munhu achinzi **ane chioko chegudo** anenge aine maitiro ekugara achirova vamwe.
6. Kana vanhu vachinzi **vakateya nzeve** vanenge vakateerera zvikuru kuti vanzwe zvese zviri kutaurwa ipapo.

7. Kana munhu achinzi **aita mhanza yakanaka** anenge aita rombo rekusangana nezvakanaka.
8. Kana munhu achinzi **akabereka tsoka** anenge akatiza achimhanya zvikuru.
9. Kana mumwe munhu achiti kwauri anoda **kukuruma nzeve** anenge achireva kuti anoda kukupa mazano akanaka, anozokubatsira.
10. Kana munhu achinzi **ane musoro** anenge aine njere dzekuronga zvakanaka, zvinounza budiriro.

Verengai 2



Mazwi anoreva zvakafanana

(anobva mundima dzamuchaverenga pashure)

chirwere	- ukosha, hosha
njodzi	- dambudzikzo
pfidigira	- fudigira, vharira
utunga	- umhutu
geza	- ngura, shamba
huswa	- uswa, sora
vidza	- vhaidza, virisa
manyoka	- mudumbu, munhumbu

Chirwere chemanyoka

Chirwere chekorera kana kuti chemanyoka chinouraya! Chirwere chekorera chinoparadzirwa nekudya kana kunwa kune hutachiona hwechirwere ichi. Hutachiona hwekorera hunotakurwa nevashanyi vanobva kunzvimbo dzine chirwere ichi, kana kuti nevanoshanyira kunzvimbo dzine chirwere ichi. Hezvino zvimwe zvamungaite kuzvidzivirira kuchirwere chekorera.



Bikai zvekudya zvenyu kana kuzvidziisa zvakakwana kuti hutachiona hwekorera hufe. Idyai zvichiri kupisa kana kudziya.



Inwai chete mvura inobva mumatsime akachengetedza. Virisai mvura yekunwa. Shandisai midziyo yekunwira mvura yakachena.



Vharai nzvimbo dzese dzinoberekera nhunzi. Nhunzi dzinotakura hutachiona hwekorera.



Gezai maoko enyu nesipo nemvura yakachena pamberi pekubata zvekudya zvese zvese.



Garai makapfidigira zvekudya zvenyu zvese kuti zvisamharwe nenhuunzi. Nhunzi dzinotakura hutachiona hwekorera.



Gezai michero nemiriwo zvakanaka pamberi pekudya. Bikai nyama, hove nemuriwo zvakakwana zvinouraya hutachiona hwekorera.



Shandisai zvimbuzi nguva dzese. Gezai maoko enyu zvakanaka mumashure mekushandisa chimbuzi.



Vidzai mvura yese yekunwa kana iri yemumatsime nemunzizi zvisina kuchengetedza.

Munhu ane chirwere chekorera anokwanisa kurapwa akapona kana akakurumidzirwa. Njodzi huru kumunhu abatwa nechirwere chekorera ndeyekurasikirwa nemvura yakawanda yemumuviri wake. Hezvino zvamungaite kubatsira munhu ari kurasikirwa nemvura yakawanda yemumuviri nekuda kwechirwere chekorera:

1. Musataridza kuvhunduka zvekuti murwere anobva atovhundukawo.
2. Ipai murwere mvura yekupamhidzira mumuviri kuti anwe. Mvura iyi imvura yakachena yamunozvigadzirira imi pachenyu muchisananisa tsvigiri nemunyu mumvura.
3. Rambai muchipa murwere mvura yekupamhidzira mumuviri iyi kusvikira mazowana rubatsiro rwevarapi.
4. Kurumidzai kuendesa murwere kuchipatara kune varapi, kwete kugara naye mumba muchifunga kuti chirwere chichapera nekufamba kwenguva.

Nyorai 2



Nzwisiso A

Sarudza mhedziso kana mhinduro yakanaka kubva mune zvawaverenga:

1. Pane vanhu ava, ndeipi anowanzobatwa nechirwere chekorera?
 - A. Anogara kumaruwa pedyo nemugwagwa.
 - B. Anobata zvekudya zvake, nekudya chikafu iye asina kugeza maoko ake.
 - C. Anoshandisa chimbuzi pamba pake.
 - D. Anoshanda muchipatara.
2. Pane izvi, ndezvipi zvingaitwe nevanhu kuzvidzivirira kuchiwere chekorera?
 - A. Kunwa mvura shomane pazuva.
 - B. Kupfeka shangu kana kunze kuine chando.
 - C. Kuchengetedza hutsanana mudzimba nemumisha.
 - D. Kurima muriwo wakawanda.
3. Ndezvipi zvaungaitira munhu abatwa nechirwere chekorera?
 - A. Kumupa mvura yakasanganisa munyu neshuga kuti anwe.
 - B. Kuenda kun'anga kundoshopera.
 - C. Kumuzora mushonga unodzinga umhutu.
 - D. Kumubikira zvekudya zvinotapira.

Nyora 3



Zviperengo

Kubva muna Chirwere chekorera, mudzidzisi wenyu achasheedzera mazwi uye ndima imi muchinyora.


Verengai 1



Chirwere chemarariya

Chirwere chemarariya chinouraya! Chirwere chemarariya chapedza vanhu vakawanda munyika zhinji dzemuAfrica. Chirwere chemarariya chinokwanisa kurwarisa munhu zvakaipisia; uye chinouraya, kunya vana vadiki nemadzimai ane pamuviri.

Chirwere chemarariya chinoparadzirwa neumhutu kana kuti utunga. Nguva yekunaya kwemvura zhinji ndiyo inowanzoita chirwere chemarariya zvakanyanya, nekuti umhutu hunoberekana zvakanyanya mumvura isingaereri.



Umhutu kana kuti utunga hunoruma vanhu huchinwa ropa ravo. Pamwe umhutu hunonwa ropa remunhu ane hutachiona hwemarariya. Pashure, umhutu uhwu hunondoruma munhu ange asina chirwere chemarariya huchibva hwatomusiirawo hutachiona hwemarariya. Uku ndiko kupararira kunoita chirwere chemarariya muvanhu.

Izvi zvinoreva kuti munhu haabatwe nechirwere chemarariya kunze kwekuti atorumwa neumhutu. Saka nzira chaiyo yekuti tisabatwe nechirwere chemarariya ndeyekuzvidzivirira kurumwa neumhutu.

Munhu abatwa nechirwere chemarariya anoonekwa nezviratidzo izvi:

1. Muviri wake unopisa, wobva wotonhora.
2. Muviri unongoti rukutu kupera simba.
3. Munhu anopota achirutsa, kana kunzwa kuda kurutsa.
4. Mudumbu munogona kurwadza.
5. Kuita manyoka.
6. Kurasa mvura yakasviba asi iri shomane.

Kana munhu abatwa nechirwere chemarariya akasarapwa, izvi ndizvo zvinogona kuitika kwaari:

- anogona kupenga, kana kutadza kufunga zvakanaka
- kubvotomoka nekutura zvisina tsarukano
- kufa

Hezvino zvimwe zvamungaite kuzvidzivirira kuchirwere chemarariya:

- Pfapfaidzai mishonga inouraya umhutu mudzimba dzenyu uye munzvimbo dzakapoteredza misha yenu.
- Garai makapfeka mbatya dzinofukidza muviri wese.
- Vharai makomba ese: musaregere mvura isingaerere ichisvinga pedyo. Ndiko kuti umhutu hushaye pekuberekera.
- Chekai huswa mumusha kuti umhutu hushaye mekugara.
- Kana zvichigona, rarai makafuga mamosquito net anovharira umhutu kunze.
- Zvekare zorai mishonga (anti-mosquito cream) inodzinga umhutu.
- Bvisai zvinogona kuchengeta mvura zvakaita semagaba kana matayi matsaru.

Nyorai 1



Nzwisiso A

Sarudza mhedziso kana mhinduro yakanaka kubva mune zvawaverenga:

1. Ko, chirwere chemarariya chinoparadzirwa nei?
A. Neumhutu B. Nenhunzi C. Nemvura D. Nehuswa
2. Ndezvipi zvingaitwe kuzvidzivirira kuchirwere chemarariya kuti chisapararire?
A. Kuvhara makomba kuti mvura isingaerere isasvinge.
B. Kuuraya umhutu muchipfapfaidza mudzimba nemumisha.
C. Kurara makafuga mamosquito net, uye kuzora mishonga inodzinga umhutu.
D. Zvese zviri muna A, B na C pamusoro.

Nyorai 2



Nzwisiso B

Kubva mune zvawaverenga, iti:

Hongu, ndinobvumirana nazvo kuti _____ (kana kuti)

Kwete, handibvumirane nazvo kuti _____.

kumitsara inotevera:

1. Chirwere chemarariya chinouraya.
2. Chirwere chemarariya chinobata vana vezera rechidiki chete.
3. Chirwere chekorera chinouraya.
4. Tinofanira kugeza maoko mumashuremekushandisa chimbuzi.
5. Kutema miti kunodzivirira kupararira kwechirwere chemarariya.
6. Zvakanaka kuvirisa mvura yemumatsime neyemunzizi tisati tainwa.
7. Nhunzi dzakaipa; dzinoparadzira zvirwere.
8. Kupisa sora kana kuti huswa munharaunda dzedu kwakanaka.

Nyorai 3



Ziva mutauro: Kuzadzisa zvirevo

Zadzisa pakashama muzvirevo zviri pazasi nemazita enhengo dzemuviri idzi:

ruoko

gumbo

zamu

mudumbu

rurimi

matama

1. Tinonanzva zvinhu ne_____.
2. Misodzi yakaerera pa_____ ake.
3. Akaninguka _____ nepagokora.
4. Mwana mucheche achiri kuyamwa pa____ raamai vake.
5. Akakava bhora ne_____ rekurudyi ndokubva apunzikira pasi.
6. Ukadyisa mbambaira unoswera wakafutirwa _____.

Nyorai 4



Tsumo

Tsumo zhinji dzinoshandisa mazita enhengo dzemuviri wedu. Zadzisa tsumo idzi nemazita enhengo dzemuviri dziri muna A, B, C kana D.

1. _____ muti unomera paunoda.
A. Tsoka B. Mwoyo C. Gumbo D. Nhumbu
2. Hama _____.
A. ivhudzi B. maziso C. musana D. maoko
3. _____ hauzariwe nerwizi.
A. Muromo B. Musoro C. Mutsipa D. Musana
4. Kure kwemeso, _____ dzinonzwa.
A. mhino B. nzara C. nzeve D. tsoka
5. _____ irema, rinosekera newarisingade.
A. Zino ✓ B. Dumbu C. Gotsi D. Gokora
6. _____ chimwe hachitswanyi inda.
A. Chipfuva B. Chirebvu C. Chara D. Chiso

Nyorai 5



Manyorero akanaka

Patinonyora mibvunzo mizhinji:

1. tinoshandisa izwi rekuti: **here**, uye
2. tinoisa **chibvunzo** ichi: ? pese panoperera mubvunzo.

Muenzaniso

1. Pamusha penyu munoshandisa chimbuzi **here**? (kana kuti)
2. Munoshandisa chimbuzi **here** pamusha penyu?

Umba mibvunzo kubva mumhinduro dzinotevera pazasi ugonyora mibvunzo yako uchishandisa:

here, uye

chibvunzo chakadai: ?

Mhinduro

1. Hongu, chirwere chemanyoka chinouraya.
2. Kwete, kutema miti hakudzivirire zvirwera.
3. Hongu, chirwere chemarariya chinotakurwa neumhutu.
4. Kwete, hazvina kunaka kuve nenhunzi mudzimba dzedu.
5. Hongu, zvakakanaka kucheka sora pedyo nemisha yedu.
6. Kwete, mvura yemurwizi haina kunaka kunwa.
7. Hongu, chirwere chemarariya chinouraya.
8. Hongu, ini ndinogeza maoko angu kana ndabva mukushandisa chimbuzi.
9. Kwete, hazvina kunaka kurasira marara pese pese.

Nyorai 6



Madimikira

Madimikira mazhinji anoshandisa mazita enhengo dzemuviri. Batanidza madimikira ari mubhokisi riri pamusoro nedudziro dzawo dziri mubhokisi riri pazasi.

Madimikira (ane runyoro rutete)

1. Munhu anonzi ane pamuromo pasingamharwi nenhunzi
2. Munhu anonzi ane mwoyo weshumba
3. Mukadzi anonzi ane pamuviri
4. Munhu anonzi ane ruoko
5. Munhu anonzi ane ruoko rwegudo/rwebveni
6. Munhu anonzi ane musoro

Dudziro dzemadimikira

- A. ... anofarira kugara achingorova vamwe.
- B. ... ane mimba.
- C. ... anoita zvinotaridza ungwaru uye zvakanyatsofungwa nenjere.
- D. ... akashinga zvikuru uye haangovhunduke-vhunduke.
- E. ... anogara achingotaura, asinganyarari kuti vamwe vambotaurewo.
- F. ... anogara achiba zviro zvezamwe.

Nyorai 7




Rondedzero

Uchipindura mibvunzo iri muna: **Taurai 1**, peji 38, nyora rondedzero pasi pemusoro unoti: **Kurwara kwandakamboita**.

Taurai 1



Chati kana kuti girafu riri pazasi rinotaridza vana vakarapwa chirwere chemarariya pane imwe kirinika iri kumaruwa, mugore rakapfuura.



1. Uchitarisa uwandu hwevarwere vari pachati/girafu riri pamusoro, nyora uwandu hwevarwere vemwedzi umwe neumwe muzvirevo zvizere seizvi:
Mumwedzi waNdira, varwere vakarapwa vakasvika makumi _____.

2. Zadzisa mitsara inotevera uchitarisa uwandu hwevarwere pachati/girafu riri pamusoro.

- (a) Mwedzi wakaita varwere vakawanda kupinda mimwe mwedzi yese ndi_____.
- (b) Mwedzi wakaita varwere vashoma pamwedzi yese ndi_____.
- (c) Mumwedzi waNdira varwere vakarapwa vakasvika _____.
- (d) Mwedzi mitatu yakaita varwere vakawanda zvikuru ndi_____, ____, na_____.
- (e) Mwedzi miviri yakaita varwere vakaenzana muhuwandum hwavo ndi_____ na_____.
- (f) Kana iwe usingade kubatwa nechirwere chemarariya, mwedzi wakanaka kushanyira nzvimbo ine kirinika iyi ndi_____.

Dzokororo 5

Teerera



Nyatsoteerera mudzidzisi achikutaurira kana kukuverengerai rumwe rungano

Taura



1. Dzokorora kutaura rungano rwamataurirwa kana kuverengerwa nemudzidzisi.
2. Iwe taurirawo vamwe rumwe rungano rwaunoziva.

Verenga



Verenga ndima iyi uchitsetsenura.

Nenguva dzerubvunzavaeni takasvika parukova rwaiyerera. Takambomirapo tichitya kuyambuka tichiti zvimwe mune makarwe. Chiriporipocho takanzwa shumba kudzvova iri muchikomo chaise nechepamhiri perukova. Hatina kuiona nekuda kwemhindo yakange yaveko. Takabva taita chipatapata kukwira mumiti mirefu yaivepo. Ndimo matakaedzerwa tiri. Takazodzika mumiti nenguva dzemashambanzou; kunze kwatoedza. Hatina kuzonzwa kudzvova kweshumba zvekare.

Nyora



1. Pindura mibvunzo iyi inobva mundima yawaverenga pamusoro:
 - (a) Unofunga kuti izvi zvakaitika masikati kana usiku here? Seiko uchidaro?
 - (b) Unofunga kuti izvi zvakaitika muguta kana musango here? Sei uchidaro?
 - (c) Nyora mazita emhuka mbiri dzakataura mundima iyi.
 - (d) Seiko vasina kuda kuyambuka rukova pavakasvikapo?
 - (e) Vanhu ava vakarara pai usiku hwese?
 - (f) Seiko vasina kuona shumba yakadzvova?
 - (g) Unofunga kuti kuita chipatapata kudini?
2. Kubva mundima iri muna Verenga pamusoro sarudza mazwi ekuzadzisa zvirevo izvi:
 - (a) Nguva dze _____ inguva dzemangwanani, zuva risati rabuda.
 - (b) Nguva dze _____ inguva dzemauro, zuva richangovira, kwasviba zvishomane.
 - (c) Izwi rokuti chiriporipocho rinoreva kuti _____.
A. pakarepo B. ipapo C. chokwadi D. chinyararire

Teerera 1



Nhau

Mudzidzisi wenyu achakutaurirai nhau dzevamwe vanhu vakapara mhosva/mhaka idzi:

1. **Wechiposhi:** akapara mhosva yekuchaira motokari asina gwaro rekuchaira
2. **Wechipiri:** akapara mhosva yekuba zviro zvevamwe
3. **Wechitatu:** akapara mhosva yekurwisana nevamwe
4. **Wechina:** akapara mhosva yekupisa sora (kana) yekutema miti munharaunda
5. **Wechishanu:** akapara mhosva yekurasira marara pese pese

Taurai 1



Nhau

Taurira vamwe nhau dzekutadzira vabereki vako kana mumwe munhu kwawakamboita uchipindura mibvunzo inotevera pazasi. Tangisa uchiti: Nerimwe zuva/gore/svondo ini ndakambotadzira _____ (kana kuti)
Svondo/gore/mwedzi wakapera ini ndakambotadzira _____.

1. Ndiani wawakambotadzira?
2. Wakamutadzira sei kana kuti chii?
3. Iye akaita sei kana kuti iye akati kudini pakumutadzira kwako?
4. Iwe wakaita sei kana kuti iwe wakati kudini pakumutadzira kwako?
5. Wakapiwa chirango here kana kuti wakaregererwa pasina chirango?
6. Chii chawakadzidza pakutadza kwako uku?

Teerera 2



Mudzidzisi wenyu achakutaurirai nezvenyaudzosingwi. Nyaudzosingwi mazwi anonyatsotaridza mamiriro kana maitirwo chaiwo echiro.

Mienzaniso yenyaudzosingwi:

1. **tana** kurambisisa;
2. **chachava** kuomerera pane zvavanoda nezvavanofunga ivo pachavo;
3. **mwiro** kunyarara zvachose;
4. kana kumboti **bufu** kutaura shoko rimwe chete;
5. **tuzu/tumbi** kumira wakanyarara sebenzi;
6. misodzi kuti **mokoto mokoto** kuerera pamatama vachichema chinyararire.



Muchitungamirirwa nemudzidzisi wenyu, detembai detembo iri rinotaura nezvekupara mhosva kwevanhu.

Vamwe vanoti ...!

Vamwe vanoti
Kana vachiyambirwa,
Nehama neshamwari:
Kuti izvi neizvo vazviregere,
Vanoti chachava kuomerera
Pane zvavanofunga ivo chete.

Bva vamwe vavo
Kana vave kunenerwa
Mhosva yavakapara,
Vachiziva uye vachida,
Vanoti tana kuramba.

Vamwewo vanoti
Kana vakabatwa
Vachipara mhosva
Vanoti tuzu kumira sebenzi.
Votadza kana kuti bufu
Kutura kana shoko rimwe chete.

Zve kana vobvunzisiswa
Pamberi pedare redzimhosva
Vanobva vati mwiro kunyarara.
Kunge vanhu vasina nzeve dzekunzwa
Nemuromo wekupindura nawo.

Asi kana vopiwa chirango,
Chirango chakaoma,
Chemhosva yavakapara
Vachiziva uye vachida
Ndipo paunoona voti:
Misodzi mokoto mokoto kuerera
Pamatama, vachichema chinyararire.

Nyorai 1



Kupindura mibvunzo

Pindura mibvunzo inotevera pazasi uchitangisa mhinduro yako uchiti:

- Ndange ndichiziva kuti _____.(kana kuti)
- Ndange ndisingazive kuti _____.

1. Wange uchiziva here kuti kupisa sora imhosva?
2. Wange uchiziva here kuti kutema miti imhosva?
3. Wange uchiziva here kuti kuuraya mhuka dzemusango imhosva?
4. Wange uchiziva here kuti kuraura hove nemambure imhosva?
5. Wange uchiziva here kuti kurasa marara pese pese imhosva?
6. Wange uchiziva here kuti kurima kumahombekombe kwenzizi imhosva?
7. Wange uchiziva here kuti kuparadza zviratidzo zvemumigwagwa imhosva?

Nyorai 2



Nyaudzosingwi

Muenzaniso

Paakanenerwa mhosva yekuba, mukomana akati **tana** kuramba.

Zadzisa mitsara iri pazasi nenyaudzosingwi dzinotevera:

rukutu nyamwi tekeshe bufu pwati hatu godi ngwe-e

1. Mumwedzi waZvita, mazhanje anenge akati _____ kuwanda mujiri.
2. Pavakaona zvaisetsa, vasikana vakati _____ kuseka.
3. Pakasvika mudzidzisi wavo, vana vese vakati _____ kusimuka pamwe chete.
4. Mushure mekfamba kwenguva refu, tese takange tati _____ kuneta.
5. Magetsi emumaguta anorara akati _____ kuchena usiku hwese.
6. Vana vechikoro vanoverenga mabhuku avo pasina anomboti _____ kutaura.
7. Payakaona imbwa dzichiuya kwairi, tsoko yakati _____ kukwira mumuti murefu.
8. Mupurisa akati _____ kubata ruoko rwembavha yaida kutiza.

Taurai 2



Makwikwi ekudetemba zvinonwisa mvura.

Muri mumapoka evadzidzi vashanu vashanu, mumwe achidetemba ndima imwe chete, itai makwikwi ekudetemba detembo: **Vamwe vanoti ...!**

Pashure taurai kuti boka rakurira vamwe vese nderipi; richiteverwa neripi kusvikira paboka rekupedzisira.

Nyorai 3



Rondedzero

Nyora ndima pfupi uchiita zvekupedzisa mitsara iri pazasi.

Kupara mhosva

Kune mumwe munhu wandinoziva anonzi _____.

Munhu uyu akapara mhosva yeku_____.

Akamboedza kutiza asi akazobatwa mumashure me_____.

Akamiswa pamberi pedare ndokupihwa chirango che_____.

Izvi zvakandidzidzisa kuti _____.

Nyorai 4



Zviperengo

Kubva mudetembo: **Vamwe vanoti ...!** mudzidzisi achasheedzera mamwe mazwi uye ndima imwe chete imi muchinyora.

Teererai 1



Mudzidzisi achakutaurirai kanyaya kanofambirana netsumo inoti:
'Mhosva haiore.'

Verengai 1



Mazwi anoreva zvakafanana

(anobva munyaya yamuchaverenga pashure)

musuwo	-	mukova
bvuma	-	tenda
changamire	-	ishe, mambo
muridzi	-	mwene
rara	-	kotsira, vata
ferefeta	-	feya
idi	-	chokwadi
kanganwa	-	koshiwa
svondo	-	vhiki
mhan'ara	-	reva

Verengai 2



Verengai mumwe ari Ishe Garikai, mumwe ari Rungano, ... saizvozvo.


Rungano pamberi pedare redzimhosva

Jojo akagara muchipatara kwesvondo rese achiwara. Paakazobuda muchipatara ndokudzokera kumba kwake, akashaya bhachi rake idzva raakange achangotenga mumwedzi wakapfuura. Jojo akabva aenda kumuzinda walshe Garikai kundomhan'ara. Mapurisa aishe akaferfeta nyaya iyi kusvikira vabata mumwe murume ainzi Rungano, ndokuenda naye padare redzimhosva.

Ishe Garikai: Iwe Rungano, uri kutongwa nedare rino nemhosva yekuba bhachi raJojo.

Unobvuma here mhosva iyi?

Rungano: Kwete, changamire! Ini handibvume kuti ndakaba bhachi raJojo.



Gurukota Runesu: Mupurisa Rufu, taurira dare rino kuti sei uchiti iwe Rungano ane mhosva yekuba bhachi rajojo.

Mupurisa Rufu: Changamire, Jojo akauya panosvondorakaperakuzomhan'ara kuti akabirwa bhachi rake. Iye Jojo akatitaurira isu zvinyorwa zviri pabhachi rake, masonerwo akaitwa bhachi racho, ruvara rwebhachi racho nesaizi yaro; uye kwaakange aritenga.

Mumashure mekuferfeta nyaya iyi munharaunda yedu ino, ini ndakawana bhachi rine zvese zvakange zvataurwa naJojo riri mumba maRungano. Ini ndakabvunza Rungano nezvebhachi iri iye akabva atadza kutsanangura zvinogutsa. Ndipo pandakamusunga, changamire!

Gurukota Dombo: Iwe Rungano, taurira dare rino kuti bhachi iri raive mumba mako wakariwana kupi, uye sei?

Rungano: Ishe wangu, ini handina kuti ndakatenga bhachi iri, aiwa! Bhachi iri rakasiwa naJojo mumba mangu musi waakandishanyira. Hameno kuti akazofunga zvekuzomhan'ara sei. Pamwe akange akanganwa zvakaitika sezvo akange akadhakwa musi iwoyo. Jojo ishamwari yangu, changamire!

Gurukota Dombo: Ko, iye Jojo akakushanyira riini paakazosiya bhachi rake mumba mako?

Rungano: Changamire, Jojo akandishanyira nemusi wechi... e-e... weChitatu svondo rakapera. Jojo akarara pamba pangu ndokuzofuma odzokera kumba kwake nemusi weChina mangwanani.

Gurukota Runesu: Iwe wataura uchiti 'pamwe akange akadhakwa', unoreva here kuti makange marara muchinwa hwahwa neshamwari yako, Jojo?

Rungano: Changamire wangu, e-e ... a-a, kwete ishe wangu! Ndiri kuti pamwe akauya kumba kwango akadhakwa nehwahwa.

Gurukota Dombo: Iwe Jojo, unoti kudini nezviri kutaurwa neshamwari yako, Rungano?

Jojo: Changamire, Rungano haasi shamwari yangu. Zvekare ini handina kumborara pamba pake. Zuva raari kutaura kuti ini ndakarara pamba pake iri, ini ndakange ndiri muchipatara, ndichirwara. Kana varapi nevakoti wepacipatara vangandipupurira.

Gurukota Runesu: Pane murapi kana mukoti wepacipatara angapupure here zviri kutaurwa naJojo izvi?



Mumwe mukoti: Hongu, changamire! Ini ndiri mukoti wepacipatara apa. Ichokwadi kuti Jojo aive muchipatara, achirwara kwesvondo rese. Kubvira musi weMugovera kusvikira musi weChishanu: kwemazuva manomwe ese Jojo ange ari murwere wedu muchipatara. Jojo aigara akarara husiku nemasikati nokuti ainwa mushonga usingabvumidzwe kuti murwere afambefambe kana kubuda panze.

Gurukota Dombo: Iwe Rungano, une idi here kuti Jojo uyu akarara pamba pako? Dare rino rinoda chokwadi kubva kwauri.

Rungano: A-a, changamire wangu! Ndiitireiwo moyo murefu. Pamwe ndinenge ndakanganwa. Ndiregerereiwo, Ishe wangu, ndakatadza.

- Ishe Garikai:** Dare rino harigone kukuitira tsiye nyoro kana iwe usingataure chokwadi.
Unobvuma here kuti wakaba bhachi raJojo uyu ari pano?
- Rungano:** E-e, ... changamire wangu! Inga ndiri kukumbirawo ruregerero. Ndinobvuma hangu kuti ndini ndakange ndaba bhachi raJojo uyu ari pano. Hameno kuti chii chakanga chandibata kuti ndibe bhachi raJojo. Unenge mweya wetsvina wakange wakandigara, changamire. Asi handichazozvipamhe zvekare.
- Ishe Garikai:** Ini handide mbavha muno mudunhu rangu! Seiko iwe murume akasvika zvakadaro uchida kurarama nezvekuba, vamwe varume vachizvishandira? Kuba hakuna pundutso, uye kunotonyadzisa. Nekudaro dare rino richakupa chirango chakakodzera mhosva yawakapara yekuba bhachi raJojo. Zvekare unofanira kudzosera bhachi raJojo kumuridzi waro rakanaka sezvarakanga riri pawakariba.
- Vamwe vanhu:** A-a! A-a! A-a! Inga zvinonyadzisa izvi! Ndiye munhu anogara achiba mbudzi nehuku mumisha yedu uyu! Mbavha dzinofanira kuiswa mujere, dzifiremo!

Nyorai 1



Nzwisiso

Uchishandisa mhinduro dzakazara, pindura mibvunzo inotevera kubva mune zvawaverenga pamusoro.

1. Akange abirwa bhachi ndiani?
2. Sekuona kwako, Jojo akamborara pamba paRungano here?
3. Unofunga kuti munhu anonzi gurukota anoita basa rei?
4. Munhu anonzi imbvavha munhu anoita sei?
5. Iwe ungade kugarisana nem Bavha here? Sei uchidaro?
6. Dai iwe waive Ishe Garikai waipa Rungano chirango chipi?

Nyorai 2



Nyaudzosingwi zvekare

Pamwe dzimwe **nyaudzosingwi** dzinoita mashoko maviri anotevedzana, seidzi:

- | | |
|-------------------------|-----------------------------|
| 6. mbera mbera, | 4. kobodo kobodo |
| 1. nyahwa nyahwa | 8. kongonya kongonya |
| 2. kata kata | 7. kamhi kamhi |
| 3. tocha tocha | 5. razvu razvu |

Zadzisa mitsara inotevera nenyaudzosingwi dziri pamusoro.

(Ziviso: Nhamba dzemitsara iri pazasi dzinofambiranana nenhamba dzenyaudzosingwi dziri pamusoro)

1. Kuti _____ kufamba zvinyoronyoro uchiita zvekunyangira.
2. Kuti _____ kukwira pakakwirira, sepadenga reimba kana mumuti.
3. Kuti _____ kufamba kwemunhu anenge asina chinangwa chaanofambira.
4. Kuti _____ kufamba kwemunhu akapfeka shangu dzakakurisa.
5. Kuti _____ kufamba nenhando refu kunoitwa nemunhu murefu.
6. Kuti _____ kufamba muviri wakaregedzeka kunge munhu akadhakwa.
7. Kuti _____ kufamba kwemunhu ane gumbo rinorwadza.
8. Kuti _____ kufamba uchizvitutumadza.

Nyorai 3



Manyorero akanaka

1. Pese patinonyora mubvunzo tinotangisa nenyora hombe.
2. Panoperera mubvunzo tinoisa chibvunzo ichi (?)
3. Mimwe mibvunzo haina **here**, seuyu: Iwe unonzi ani?

Nyora mibvunzo inotevera uchiisa nyora huru uye chibvunzo panokodzera.

1. ndiani akapara mhosva yekuba
2. ko, iwe wakaberekwa mugore ripi
3. uchauya kuzondiona riini
4. mumhuri yenu mune vana vangani
5. seiko uchinonoka kuchikoro mazuva mazhinji
6. ko, iwe wakatangisa chikoro une makore mangani
7. shamwari yako iri kupi
8. nhasi chingani

Nyorai 4



Mazwi anoreva zvakafanana

Pachinzvimbo cheizwi rakatarwa pazasi, isa izwi rimoreva zvakafanana rino bva mune zvamakaverenga muna **Verengai 2: Rungano pamberi pedare redzimhosva**.

1. Akasiya mukova wemba yake usina kuvharwa.
2. Mambo wedunhu redu anotonga neungwaru.
3. Vabereki vese vanoda vana vanotaura chokwadi nguva dzese.
4. Ndakamuona vhiki rakapfuura.
5. Kutema miti nekupisa sora imhaka huru.
6. Kana ukawwa doro unodhakwa.
7. Kana usina sahwira unoshaya anozokubatsira mumatambudziko.
8. Rungano akazodzosera bhachi kumwene waro.

Nyorai 5



Rondedzero

Nyora ndima mbiri uchirondedzera nezvemhosva yakaparwa naRungano yawakaverenga muna **Verengai 2** muchikamu chino.
Musoro werondedzero yako unoti: Mhosva yaRungano
Tangisa rondedzero yako seizvi:

Mumwe murume ainzi Rungano akapara mhosva ye_____.

Taurai 1



Muri mumapoka enyu, itai mutambo wekutonga mhosva yakaparwa.
Mumwe anenge ari mambo, mumwe ari nyakupara mhosva, _____ saizvozvo.

Teerera 1



Taurai 1



Kupira mashoko ataurwa nemumwe

Mudzidzisi anokutaurirai mashoko; imi mobva mopira mashoko ataurwa nemudzidzisi kune vamwe, seizvi:

Mudzidzisi: Kana kusina mvura inonaya mangwana, tichaenda kumakomo kundoswera tichidzidza zviriko.

Anozopira vamwe: Zvanzi nemudzidzisi kana kusina mvura inonaya mangwana, tichaenda kumakomo kundoswera tichidzidza zviriko.

Pachinzimbo chemudzidzisi, mumwe mudzidzi anogonawo kutaura mashoko aanoda, mumwe obva opira kune vamwe zvataurwa neuya mudzidzi.

Teerera 2



Taurai 2



Mutambo wekunyatsoteerera zvatinoudzwa nevamwe nekuzovitaura nemazvo.

Munogona kuita mutambo uyu:

- nevadzidzi 15 – 20 vakagara kana kumira vari mumudungwe
- nevadzidzi vese vari mukirasi menu seboka rimwe chete

Danho 1: Mudzidzisi anotaurira **munzeve** memudzidzi wekutanga mashoko aanoda **nezevezeve/rutekete** sekuti: "Nyika yedu ino izere uchi nemukaka."

Danho 2: Mudzidzi uya atauriwa mashoko anotaurira mashoko aaudziwa/ aanzwa **munzeve** memudzidzi anotevera **nezevezeve/rutekete**; saizvozvo kusvikira pamudzidzi wekupedzisira.

Danho 3: Pekupedzisira, mudzidzi wekupedzisira anozotaurira vamwe vese zvaaudziwa/ zvaanzwa; mozvienzanisa nezvataurwa paDanho 1; kana kutevedza mudungwe muchinzwa mashoko asvika munzeve dzevadzidzi vakasiyana-siyana.

(motangisazve mutambo nemashoko matsva muchibva paDanho 1)

Teerera 3



Nyorai 1



Zviperengo

Mudzidzisi wenyu achasheedzera mazwi uye ndima imi muchizvinyora.

ChiShona Pepa 1

Verengai 1



Verenga ndima dzinotevera chinyararire uchigadzirira kuzoverengera vamwe usingandandamire.

Chenjerai pakufamba

Vanofamba nezvitima kana nemabhazi vanofanira kuzvichenjerera kana vasvika pazviteshi zvemumadhorobha. Pazviteshi zvemumadhorobha pane vakomana vanopiwa zita rekuti 'majega'. Vakomana ava vanobvuta mikwende yevafambi,



vachivatakura, chinyararire. Pashure pekutakura mikwende vakomana ava vanozoreva mubairo wemari yavanoda.

Kana munhu achisvika pachiteshi ane mukwende wake, anomhanyirwa ne'majega' aya kunge vanhu vari kuda kumubatsira kutakura mbatya dzake. Pamwe 'majega' anotora mukwende uya vokwidza pamusoro pebhazi pasina mubairo wabvumiranwa. Mumashure mekuita basa, 'majega' anozotaura kuti anoda kubhadharwa, oreva mari yavanoda. Kazhinji vaya vanenge vabatsirwa nenzira iyi vanenge vasina mari yekubhadhara inorehwa. Ndipo panozomuka bongozozo vana'jega' vave kuda kurwisana nevaridzi vembatya dzavatakura.

'Majega' anowanzoita izvi kuvanhu vakaita seharhwa, chembere, madzimai, vana vadiki, nevamwewo vavanoona kuti havakwanise kuzvidzivirira. Mapurisa anogara achiyambira vanhu kuti vachenjerere 'majega'. Mapurisa ari kuti vanhu vasabvumire 'majega' kutakura mikwende yavo pamberi pekubvumirana mubairo

webasa racho. Kana iwe usina mari yacho, ibva waramba kubatsirwa kutakuriwa mbatya dzako.

Zvekare mapurisa anoyambira vanhu cuti vachenjerere matsotsi nembavha paya pavanokwidza mbatya pamusoro pemabhazi. Vanoti kune matsotsi anonyebera kukwidza zvinhu pamusoro pemabhazi asi ivo vachizvidzikisa nechekuseri. Muridzi wezvihu anozoona cuti mbatya dzake hadzipo pamusoro pebhazi atosvika paanoburukira bhazi. Akubayira zanhi ndewako!

Nyorai 2



Nzwisiso

Munhamba 1-3 sarudza mhedziso yakanaka kubva mune zvawaverenga.

1. Nyaya iyi _____.
 - A. inorumbidza 'majega' nematsotsi
 - B. inotikurudzira vanhu kufamba nemabhazi
 - C. inotsoropodza 'majega' nematsotsi
 - D. inoyambira vanhu cuti varegere kufamba nemabhazi
2. Nyaya iyi inotitaridza zvekare cuti mapurisa _____.
 - A. anoshanda pamwe chete ne 'majega'
 - B. haawirirane nezvinoitwa ne 'majega'
 - C. anofamba nemabhazi
 - D. ndiwo anofanira kukwidza zvinhu pamusoro pemabhazi
3. Munhu anoshandira mumwe munhu basa rake anotarisira _____.
 - A. kipiwa mubairo
 - B. kunyimwa mubairo
 - C. kusungwa nemapurisa
 - D. kushaya zvekuita

Mazita

Munhamba 4–11 zadzisa pakashama nezita rakanaka uchisarudza pane akapiwa.

Zadzisa chirevo ichi nezita rakanaka.

4. _____ inguva yemangwanani, zuva risati rabuda.
 - A. Madeukazuva
 - B. Ruvhunzavaeni
 - C. Mashambanzou
 - D. Rudziyakamwe
5. Mwana wekutanga kuzvarwa mumhuri anonzi _____.
 - A. dangwe
 - B. gotwe
 - C. mucheche
 - D. rusvava
6. Hanzvadzi yababa vako ndi _____ vako.
 - A. amaiguru
 - B. ambuya
 - C. amainini
 - D. tete
7. Mwana ane vaberekvi vakafa anonzi _____.
 - A. mapatyia
 - B. jaya
 - C. mhandara
 - D. nherera
8. Mukadzi akafirwa nemurume wake anonzi _____.
 - A. mwenga
 - B. chirikadzi
 - C. muzvere
 - D. mhandara

9. Munhu anotaridzika semudiki pazera, asi iye ave mukuru anonzi _____.
A. harahwa B. goremuchache C. ndumure D. mutape
10. Hari diki yekubikira usavi inonzi _____.
A. tsambakodzi B. hadyana C. pfuko D. chirongo
11. Dambudziko rekushaya mvura yekunwa rionzi _____.
A. nzara B. nhomba C. manyoka D. nyota

Mazwi anoreva zvakafanana

Munhamba 12 – 15 sarudza izwi rinoreva zvakafanana neizwi rine mutsetse pazasi.

12. Handiti iwe uchiri kutondera zvese zvakataurwa nevabereki vako?
A. kukanganwa B. kuyeuka C. kurumbidza D. kuteerera
13. Kwasara svondo mbiri chete kuti tivhare chikoro, tigoenda pazororo.
A. nguva B. vhiki C. mwedzi D. mangwana
14. Musha wedu uri kumadokero kwechikoro.
A. kumavirazuva B. kumabvazuva
C. kuchamhembe D. kumaodzanyemba
15. Ichokwadi kuti tsaona dzemumigwagwa dzapedza kuuraya vanhu.
A. nzendo B. motokari C. njodzi D. mhuka

Madimikira

Munhamba 16 – 18 sarudza dudziro dzemadimikira akatarwa pazasi kubva mududziro dzakapiwa.

16. Munhu anonzi ane mwoyo murefu munhu akadini?
A. ane tsitsi B. akareba zvikuru
C. asina hanya nevamwe D. akachenjera zvikuru
17. Paakaona baba vake vachiuya neshamhu, mukomana akabereka tsoka.
A. akavhunduka zvikuru B. akaridza mhere
C. akakumbira ruregerero D. akamhanya achitiza
18. Munhukadzi anonzi ane pamuviri anenge _____.
A. akasimba chaizvo B. ane mimba
C. ane pamuromo D. achiwara

Mazwi anopikisana

Munhamba 19 – 20 sarudza izwi rinoreva zvinopikisana neizwi rakatarwa pazasi.

19. Baba vakatenga motokari hombe.
A. huru B. itsva C. yakakosha D. diki
20. Musikana akaramba mhosva yekuba yaainenerwa.
A. akabvuma B. akabvunza C. akatongerwa D. akawanikidza

Tsumo

Munhamba 21 – 22 sarudza mazwi akanaka ekuzadzisa nawo tsumo dzinotevera.

21. Aive madziva _____.
A. ane hove B. ave mazambuko C. akapera kupwa D. ari murwizi

22. Kugocha kunoda kwaamai, kwemwana _____.
 A. kunopedza huni B. kwakaipa
 C. kunodzima mwoto D. kunopisa zvinhu

Nyaudzosingwi

Munhamba 23 – 25 sarudza mhedziso kana nyaudzosingwi yakanaka kubva mune dzakapiwa ugozadzisa nayo pakashama.

23. Akashanda zvine simba kwenguva refu kusvikira ati rukutu _____.
 A. kumira B. kuombera
 C. kudonhera pasi D. kuneta
 24. Murwizi rukuru, hove dzendudzi dzese dzakati _____ kuwanda.
 A. tekeshe B. pamu pamu
 C. warawashu D. ngwerewere

Manyorero akanaka


Munhamba 25 sarudza mutsara wakanyorwa zvakanaka.

25. A. ini nemukoma wangu kumbirai tichaenda kwamutare mumwedzi wagunyana
 B. ini neMukoma wangu Kumbirai tichaenda kwaMutare mumwedzi wagunyana.
 C. Ini nemukoma wangu Kumbirai tichaenda kwaMutare mumwedzi waGunyana.
 D. Ini nemukoma wangu kumbirai tichaenda kwamutare muMwedzi wagunyana.

ChiShona Pepa 2

Verenga ndima iri pazasi ugozopindura mibvunzo inotevera.

Gomo reManhenga




Zvinonzi kareko, mujinga megomo reManhenga maive nejiri guru. Mujiri imomo mizhanje yakange yakati tekeshe kuwanda. Mazhanje aiti kana aibva mumwedzi yaMbudzi naZvita, majaya nemhandara vaiswera vachinonga mazhanje kana kuti mashuku ekuenda nawo kudzimba kundopa vaberek. Vaizadza tswanda kuti pamu pamu nemazhanje, vozodzokera kudzimba kana zuva rave kuda kupinda muna amai varo.

Mazhanje akange achikokawo tsoko nemakudo mujiri iri. Zuva nezuba vanhu nemhuka raive besanwa mujiri; riri bishi rekutsvaga muchero wesango uyu. Mujiri umu maipfuurawo nerukova rwaierera ruchibva mugomo reManhenga. Mikute yaibereka hute hombe yaikura iri mumahombekombe erukova urwu.

Asi zvino jiri iri raive nemukurumbira hakuchina. Kana maya mumahombekombe merukova masara mikute inoverengeka. Vanhu vakatema mizhanje yese vachirima pese pese nemumahombekombe erukova. Irwo rukova rangove jecha bedzi; mvura yakapera kupwa. Hove dzese dzaivemo dzakapera kufa. Kana makudo netsoko zvakabva zvatizawo.

Nyorai 1



Nzwisiso

Pindura mibvunzo inotevera nezvirevo zvakazara. Unobvumirwa kushandisa mazwi ako mumhinduro.

1. Chinonzi Manhenga munyaya iyi chii?
2. Ndeipi miti miviri yakataurwa munyaya iyi?
3. Nzvimbo inokura miti yemizhanje yakawanda inonzi chii?
4. Chiiko chiri kunzi muchero wesango munyaya iyi?
5. Mazhanje anoibva mumwedzi ipi?
6. Mazhanje ane rimwe zita rekuti chii?
7. Jiri remujinga meManhenga raibatsira vanhu here kana kwete?
Sei uchidaro?
8. Zvinorevei kuti kwasara mikute inoverengeka?
9. Jiri iri rakaparadzwa nani, uye sei?
10. Zvakanaka here kurima kumahombekombe kwerukova? Sei uchidaro?

Nyorai 2



Rondedzero

Sarudza rondedzero imwe chete pakati penhamba 1 kana 2 ugonyora pamusoro payo.

1. Pasi pemusoro unoti: **Rwendo rwandisingakanganwi**, nyora ndima mumitsara 8 – 12 uchitaura izvi:
 - kwawakenda
 - wawakaenda naye
 - chamaifambira
 - chifambiso
 - zvausingakanganwi zvacho
2. Chiziviso
Sekuru vako vari kuda vashandi papurazi ravo. Vakukumbira iwe kuti unyore chiziviso chekuti ivo vari kutsvaga vashandi. Pasi pemusoro unoti: **Chiziviso chebasa**, nyora chiziviso ichi uchiburitsa pachena izvi:
 - basa richazoitwa nevashandi vanenge vapinda basa
 - kwavanzozoshandira/purazi riri kupi?
 - nguva dzavachashanda pazuva
 - mazuva avachashanda pasvondo
 - mubairo wavanzozopiwa pasvondo/pamwedzi
 - zvimwe zvinozopiwa kuwashandi
 - mhando dzevashandi vanodikanwa, sekuti: zera, rudzi rwavo, nezvimbewo.

Ungatangisa chiziviso chako uchiti:

Basa ramuka papurazi riri ku/kwa _____. (kana kuti)

Vanoda basa mese uyai kupurazi rekwa _____.